

BIBLIOTEKA

Zakl. Nar. im. Ossolińskich

XVII


2761


BIBLIOTEKA


Zakl. Nar. im. Ossolińskich

XVII

2762







PRINCEPS POLONVS.

Sen.

Institutio primarij, & in excelsâ
familiâ editi Iuuenis, in Repu-
blica Polona.

*Ex Libris Bibliothecae Ecclesiae Sacerdotum
1725. Die 10. April.*

Illustriſſimum Principem ac Dominum,

D. VLADISLAVM DOMINICVM,
DVCEM IN OSTROG ET ZASLAW,
Comitem in Tarnow.

D. D. D.

IOANNES INNOCENTIUS PETRICIUS,
Medicus & Historiographus in Academia


Cracouiensi.

*Ex Libris P. Francisci Frygodecki Sacerdotis Canonici
Cracoviae, Anno 1679 Jul 27.*

In Officina Francisci Caesarij; Anno Dñi, 1633. *p. 110. Dan.*



Cætera Principibus statim adesse,
vnum insatiabiliter parandum, pro
speram sui memoriam. *Tacitus.*



Illustrissimo Principi,
D. VLADISLAO DOMINICO,
DVCI IN OSTROG, & ZASLAW,
Comiti in Tarnow,
PRINCIPI IVVENTVTIS.

IOANNES INNOCENTIUS PETRICIVS.



ETVS, & ab antiquissimis
deductus ad nos temporibus
PRINCEPS ILLVSTRISIME,
scriptorum mos est, lucubra-
tiones suas offerre Principi-
bus, laboresque tanquam non
sibi impensos, amplis & augustis publicè transcri-
bere nominibus. Quia nec præclaris rebus pre-
tium honoremue deferri videmus, nisi faueant
præeantq; ij, quorum fortuna in quodcunque
tendit, semper circa se habet eos, qui sequun-
tur: nec alijs maior necessitas incumbit, vt plu-
ra, vt meliora noscant, quàm quorum sapientia,
multis debet prodesse mortalibus. Sed sicut

*Mos dedican-
dorum Prin-
cipibus libro-
rum unde ve-
nit.*

Princeps Polonus.

*Dedicatum
errores.*

eminentia colere, atq; Dijs supplicare, nemini fuit vitio, quantum quisq; vellet: ita haud quam parem gratiam obtinuit, hoc ipsum præstare eiq; dedicare, qui oblata minus amat capit-
uè. Nam nec genuisse quisquam in id concupiuit, vt exponeret, & sine notitiâ intelligentiâq;, quantumuis elaborata, tantundem contulerunt, quantum cithara furdo, aut præcepta de cultu agrorum ieiunis & sterilibus terris. Vt operi, quod quis aggredi destinauit, nisi peritissimum aduocat consultorem, ita tot disciplinis artibusq; in diuersa tendentibus, eligenda non est, quæ cui offertur, non conuenit, minus adhuc, si etiam ab ipso ignoretur. Alia enim est conditio publicantium, alia nominatim alicui dicantium, nec parum interest, spargas aliquid in omnes, an vni deferas, non excludas quenquam an eligas, & quicquid illud est, alijsnè promiscuè composuisse, an alijs videris vt vni. Antimachus Poëta, cum conuocatis auditoribus, legeret quoddam volumen suum, omnesque legentem præter Platonem deseruissent; Legam, inquit, nihilominus, Plato enim est mihi instar omnium. Haud aliter nuncupando euenit, vt tametsi commune fiat quod publicatur, atq; eo cuiq; vti liceat ac suo, ad neminem tamen magis pertinet quam

*Cic: libro de
claris Orato-
ribus.*

quàm vnum, & inter varietates iudiciorum, si
cæteri discrepent abeantque, ad eum superest re-
cursus, quem sibi scriptor fecit & reliquit instar
omnium.

Quò mihi rectius facere, propiusq;
id perspicere videntur ij, qui omnium maximam
sapientiam, ac propriam primamque Principum
disciplinam Virtutem existimantes, in eâ potis-
simum tradendâ, apud Principes industriam su-
am intendunt. Nam & documentis assentatio-
nem effugiunt, laudibus temperando, quæ sæ-
penumero falsæ, non paucos deserunt aut pro-
dunt, aliquando veræ, hoc ipso multis obsunt
quod viuunt: nec minorem sine laude honorem
exhibent, assignando ijs proprium, quicquid
est in virtutibus præcipuum. Quod ego non in-
feriùs reposuerim illâ, quam veterum sapientis-
simi tantopere æstimabant, notitiâ sui, quibus
difficilior pulchriorque eruditionis nulla æquè
pars visâ est, quam hæc vna, Noscere seipsum.

Interim etiam ad commemorationem virtutum
animus excitatur, attollitur, surgit, ex magni-
tudine earum spiritum ducit, aut intra se vitia
emendat, vel quoties aliud inde non refert, sen-
tit saltem, nihil placere posse, quod non decet.

Nisi quem fortasse peruersa opinio tenet, Virtu-
tem, non institutione aut præceptis, sed à natu-
râ haberi,

*Quæ dedicatio
potissimum
Principibus.*

*Virtus indi-
get magistro
& præcepto-
re.*

râ haberi, atq; ad contemptissima quoque adhi-
 bet disciplinas, agnoscitque propè omnia egere
 doctoribus, in re vnâ, eò meliori quò maior est,
 renuit præceptorem. Igitur sicut quomodocunq;
 prodesse voluisse, abunde semper pulchrum ma-
 gnificumque scriptoribus fuit, ita hâc in parte,
 eò paratior illis seu gloria seu venia fuit, quò pul-
 chrior præstabiliiorque est laudabilium & hone-
 storum cupiditas. Ac mihi quidem ipsi, tamen si
 ingenium meum haud vnquam præ aliorum, aut
 amplius æquo probaretur, tamen libuit interea,
 eius potissimum rei, & apud te **SPEI MAGNÆ**
IUVENIS periculum facere. Quippe vt per-
 plexa & difficilia sint alia, quæ hominum inge-
 nijs exercentur, hoc quod prius & expeditius no-
 bis esse debet, ad quod natura nos genuit, vt bo-
 ni simus, breuissimâ ac facili constat arte, secun-
 dùm naturam non contra viuere, longumque ac
 difficile studium & operam facere videtur, id
 tantum, cum repugnamus. Adhæc, quæ magis
 exequi oportet ac facere, haud tantum poscunt
 ingenium, nec potuerunt scriptores simul indu-
 striæ suæ & alterius vsui parere. Multorum
 Principes & Respublicæ amplæ satis & magnifice
 in libris leguntur, & pro optimis à legentibus
 habentur celebranturq;, prout prouenere à ma-
 gnis

*Virtutis faci-
 lis perceptio.*

*Scriptores re-
 rum pub. &
 Principum in
 qua re præci-
 piunt delin-
 quunt.*

gnis & præclaris ingenijs, aliquantum tamen ex
vano trahunt, sicuti ego existimo, quam auto-
res earum aduertere. Nam diligentius reputan-
do, quàm altè in ijs describendis, & quousque
ingenijs processerunt, magis in, implendo natu-
ræ vim, quam in formando industriæ laudem de-
siderari in ijs deprehendemus. Sicut Stoici aut
Oratores, dum consummatissimum sapientem
vel eloquentem desiderant, imaginantur tantum
eum & fingunt: ita nemo inuentus, qui effecif-
set, quantum ipsi præceperunt, nec ullus fuit,
vt in cæteris, sic in virtute perfectus. Est præ-
terea, vt singulis in rebus, ita hic quoq; orbis
quidam, vtque temporum vices, sic morum ver-
tuntur; & quemadmodum ipsæ virtutes, & pro
terrarum in quibus oriuntur spiritu, & pro for-
tunæ, in quam homines nascuntur aut perueni-
unt conditione, diuersæ proueniunt, ita non
vnâ viâ ducentem sequuntur, & quamlibet inge-
niosè multa præcipienti, paucis repugnant, si,
quid conueniat, quid uè effici possit, ante non ex-
penderit. Sed mihi insuper multa de incepto fa-
ctoque meo cum animo agitati, quibus ille re-
bus maximè percelli poterat, ijs apud te V L A-
DIS LAE DOMINICE maximè erectus est. Pri-
mum, æquanimitate tua: nam cum excelsa fortu-
na inter

*De virtuti-
bus non una
ratione feren-
dum est iudi-
cium.*

*Principibus
monitores
exos.*

*Causa confe-
cti libelli.*

na inter pleraque, inprimis asperrimè rectores
consultoresque patitur, tu hoc procemio præci-
puoque virtutum instrumento pectus tuum im-
buiſti, vt admonitore gaudeas. Deinde indole
tuâ, quâ ita tuomet nixu & impetu ad optima
quæq; & præclarissima ferris, vt & nunc ex pur-
purâ ætatis tuæ, quæ primam designat adoleſcen-
tiam, tanquam ex tenero vngui, futurarum vir-
tutum tuarum lineamenta, haud falſò duci poſ-
ſint, & tu ipſe, nihil nobis poſtea, non etiam
ſupra præcepta præſtare poſſe videris, qui tam ci-
tò cœpiſti. Nam alia in te noſtra officia, ſuis
temporibus conſtabunt, iſſq; in te fungemur ali-
quando, poſtquam in optimarum diſciplinarum
ſtudio, & apud lectiſſimos viros, in Academia no-
ſtra ætatem egifti, inter propria primaq; cenſui-
mus, optima quæque non ſpe tantum de te con-
cipere, ſed etiam noſtris præceptis. Quin etiam
ipſum te decet, non prius à nobis atq; ab Acade-
mia recedere, quam veluti ex nobili & opulentâ
prouinciâ, non vulgares & te dignas merces re-
portaris. Quæ quidem eò maiori curâ & ſolici-
tudine tibi comparandæ ſunt, quò de nullâ re
frequentiùs homines queri audimus, quàm de
otio in magnitudine Principum, atq; cum, ad
reprehendenda aliena facta dictaq; ardeat omni-
bus

bus animus, nemini quæ non in-procliui fiat, alios corrigere, tum vix tui similibus contingit, ut absint à crimine, etiamsi sint procul à vitijs. Nam in magnâ fortunâ quærit semper sibi locum liquor, & natura hominum incrementis alienis aduersa, non alibi citius inuenit occasionem criminum. Ac propositi quidem mei, cum hæc mihi ratio maxima, tum aliæ quoque, cur te DOMINICE potissimum inter fratres elegerim, fuerunt. Quanquam enim Dijs volentibus & maiorum merito, tu, fratresque tui, magni & opulenti in hoc regno, atque pariter nati Principes estis, eademque ab ALEXANDRO CONSTANTINO, & IANVSSIO ISYDORO, quæ à te omnes boni pariter & postulant & expectant, plus tamen nobis vnus tu debere videris, etiam ut tibi par cum fratribus necessitas esset. Primum, quod ætate prior es; deinde, quod iam prudentiam colligis: illi & admodum adhuc adolescentæ sunt, & quantum tu virtutibus præcurras, tantum sperare de illis debemus, qui te sequuntur. Iam verò istud separatum & tuum, quod deficiente in familia Ducum in Ostrog hærede, tu tanti nominis & virtutis hæreditatem vnus adis, primusque familiæ tuæ refers & auspicas. Equidem ego non ignoro, quæ à principio cum

Causa dedicati vni ex fratribus.

Ducum in

B

Regibus

Ostrog & Zasław, una familia.

Ordinatio Iamussij Ducis in Ostrog, qui ultimus sine liberis excessit à vitâ.

Ducatus in Ostrog & Zasław scissi cœdunt iterum sub Dominico.

Regibus quoque cognatio, quæ necessitudo, quantæ opes & potentia vestra fuerit, cum non duos tantum Ducatus in Ostrog & Zasław, sed ingentem tetrarchiam regni, familiam vestram complecteremini, neque dum vos superessetis, deesse alteri poterant in domo vestram necessarij hæredes, ut tamen vnus ex vobis, ad tantas opes succederet, hæresque scriberetur, erat quoddam in eo magnum & excelsum consilium. Nihil temerè, nihil fortunam factum est, multumque retulit, inuenisse successores an iudicio fecisse, reliquisse an dedisse alicui omnia. Nam cum finem sibi à naturâ imponi, sequere sine prole ac liberis incluta & vetustissima familia, patriæ rei que publicæ subduci cerneret, cessare sine filiis potuit, deficere splendore, dignitate, rerumque gestarum amplitudine & gloria in aliquo hærede nequitiam voluit. Ad hoc omnia instrumenta atque subsidia, & quod licuit potuitque, non pluribus, sed vni contulit, nomen suum, ingentem claritudinem, amplissimas diuitias, copias magnas armorum virorumque: existimans virtutem eius qui hæc accepisset patriæ familiæque suæ vsui & gloriæ fore. Profectò ut diligentius attendendo, laudabilius magnificentiusve quidpiam expetiuisset an potuerit nescias, occasumne

tunc

*Intentione,
valde lauda-
bili.*

tunc à se depellere, aut olim sibi ipsa tanta fecisse principia. Neq; enim putes, ea quibus nunc magnus & potens es, & abundè in domum tuam venerunt, pariter illi quoq; à principio affuisse, aut maiores tuos sumptibus & diuitijs potiùs, quàm labore, industriâ, patientiâ, tot tantaq; bona acquisuisse tibi que reliquisse. Omnia in principijs parua fuerunt, ex parvis virtute & industriâ hominum magna euaserunt. Sanguinem illi pro ijs præbuere, vt illorum hæres, nullius aliquando rei egens, præclaræ tantum famæ gloriæque incumberet. Quò magis tibi etiam atq; etiam animo prospiciendum est, vt tot tantaque, à maioribus tuis, tibi relicta, serues & retineas, nam perinde virtute parta atq; manu fabricata, celeriter deformantur & corruunt infirmata, nisi magnâ industriâ habeantur curenturque. Mihi quidem, quæ mens interea suppetit, apud te deponere non dubitabo. non quantùm de quacunque re dicere possum, sed quantùm plura designare tantùm opus est, apud agnoscentem. Latissimè enim fusa est virtutis doctrina, & multiplex, & propè quotidie noua, & de quâ, nunquam dici poterunt, ab omnibus omnia. Nos qui ei scribimus, cui non disputanda sed expedienda virtus est, cum rerum statu & conditione

*Proposium
authoris.*

tuâ deliberabimus, facturi quod Tarquinius, vt magna tantum & generosiora capita decutiamus. Plura tu tibi ipse dices, causamq; scriptio- nis, non tam docendi cupiditati imputabis, quam studio potius in te nostro, quod toties beneuo- lentiâ tuâ auxisti.

*Opes humana
facilius se su-
stinent in me-
diocritate.*

Sæpe ego cum animo meo reputando, qui- bus causis, clarissimi reges, principes, tum eti- am imperia, regna, populi, nationes, facilius se in paruis opibus, quam in maximis sustinuis- sent, ita comperi, & multa legendo didici, in omni- bus vim & industriam hominum potius valuisse, quam quod fortuna apud se in occulto res mor- talium misceret, atq; alia alijs per libidinem do- naret adimeretue. Quanquam enim pleraq; hu- manarum rerum ei attribuuntur, atq; etiam ma- gnitudine sua nonnulla laborasse, seq; confecis- se visa sunt, usque eò tamen integra omnia & in- corrupta mansere, donec suis ipsa sibi moribus exitium fecissent corruissentque. Quippe neque secundæ res neq; aduersæ, solæ hominibus con- tingunt, sed diuersis moribus comitatæ, prout ingenium ijs obnoxium inuenerint, fata & for- tunam cuicunque destinant adferuntque. Ple- runq; quos parvæ & angustæ res premunt, quan- tò asperius tantò attentius in ijs & magis anxie agitant,

*Industria &
contentio sunt
privilegia
paupertatis.*

agitant, omnibus locis adsunt festinant, quò se vindicent aut tueantur, neq; delicto, neq; libidini obnoxij, digna prorsus virtute capeſſunt, se ipsos hortari, ſibi conſilio eſſe, ingenium in pròptu habere, in curis, in vigilijs, in laboribus multu eſſe, nullâ re fatigari, nihil contemnere, multa tentare, pati, anteuenire, denique omnia ſummo ſtudio exequi. Itaq; tales viros, taliaque imperia, non vis vlla, non aſpera, non gentes in aduerſum conglobatæ, frangere aut loco mouere potuiſſe legimus, quin ea quæ virtute ceperant, cum anima ſimul tenerent poſſiderentque. At contra, in magnis opibus cuncta hæc deſcunt deſeruntque, quò plus otij & abundantia, eò ingenij indiſtriæque & curæ minus ſemper adeſt. Id adeò haud mirandum eſt. Nam ſtudiũ in labore & virtute tamdiu durat, quandiu quod petitur, nondum habetur, poſtquam contigit, cætera cum voto ſeneſcunt abeuntque, ſtudium ſtatim ad alia vertitur. Subit quippe etiam ipſius inertia dulcedo, animuſque remotis neceſſitatibus aut periculis, primũ quieti & otio aſueſcit, ab his mox ad voluptates tranſcendit, à quibus deſeſſus emollituſque, citiuſ aut tardiuſ, maturè tandem ſuccumbit, ac diſſidentibus moribus, retro agit trahitque ſecum omnia. Nam

*Ex ſummo re
tro, cur facile
fortuna homi-
num volui con
ſuevit.*

*Secunda res
sapientum ani-
mos fatigant.*

*Insidijs mul-
torum obno-
xia.*

Plutarchus.

*Dubitatum à
plurimis opta-
rior esse me-
diocrius velti-
ma fortuna.*

cuncta ijs retinentur artibus, quibus initio parta fuere. Neq; hæc res tantum in imperijs publice-que, sed in quacunq; magna fortunâ priuatim, ita se habet. In quâ vt te anxie regas custodiasq; , tamen retinere eâdem constantiâ illa, per quæ creuisti, difficile & arduum factu est. Secundæ enim res ipsorum etiam sapientum animos fatigant, multiq; visi sunt gaudijs corporis & pecuniæ ex professo infensi, in hæc tamen ipsa, cupiditates suas soluisse, velut à se tantum relictas & frustra damnatas, aut si continentes in vitâ, nequaquam ita in pecuniâ fuisse, pluresq; inuentos, qui vitæ commoditates vituperassent, quam qui fastidissent. Sed irrumpit præterea ab alijs adulatio, blanditiæ, sua cuiq; vtilitas, quæ fidem, libertatem, amicitiam, præcipua humani animi bona, quorum neque Principi, neque cuiquam mortalium satis vnquam esse potuit, per obsequium inminuunt corrumpuntq;. Nam res docuit, id verum esse, quod quidam docuit, Retinendis in virtute hominibus, aut amico ingenuo opus esse, aut ardenti acriq; inimico. Iam verò amicus pauperi nihil simulat aut fingit, opulento suus omnia. Quamobrem plurimorum inter homines, in incerto iudicium fuit, quænam fortuna magna vel parua, altera alteri anteponenda,

ponenda, vtrauè ex ijs liberis præoptanda & relinquenda esset. Nam amplæ & secundæ res felices tantum, modicæ industrios & frugi, magniq; pretij viros faciunt: illic plurimum possidentibus, plurima defunt, hîc quod pretiosissimum diuitiarum genus habetur, adesse solet vera vox & consilium: adhæc ex eâ fortunâ quæ deterior creditur, res visæ sunt ingentia incrementa fecisse, ex alterâ citò corruisse defecisseque in deterius. Magna mihi copia est memorandi, qui viri gentesue priuatim publiceque per opulentiam ea perdididerunt, quæ per virtutem inopes ceperant. Sed malo dicere ea, quæ pertulimus, quàm quæ legimus audiuiusque, atque vt non nos ipsi solum, inconstantiam rerum prosperarum persensimus, sed eodem tempore fortunam felicia & beata regna ac imperia, versantem iactantemque spectauimus. Si quando enim, nostrâ profectò tempestate, res nostræ, vt magnificæ & opulentæ, quantum maiorum virtus, Dijque nos adiuuere, ita nunquam aliàs magis in prærupto ancipitique fuerunt. Imperium vtroque mari, Balthico & Ponto terminauimus. Balthici fermè domini, idoneâ littora nostris classibus præsedimus, nonnulla ex pacto, concessâ in id prouinciâ, socijs custodienda tradidimus. A Nestro, longè lateque

*Breniarium
rerum in Po-
lonia sub Si-
gismundo III.
gestarum.*



latèquæ sub motis pulsisq; Tartaris, prinum vastâ desertâ, & immanes solitudines effecimus, mox easdem, vltra quinquaginta milliaria inductis habitatoribus occupauimus possedimusq; Transyluaniam, Valachiam, Moldauiam, nostrum donum aut beneficium in alios habuimus.

Secundarum.

Quin mira ausi & vix credibilia consecuti, Turcarum sinus, portus, littora, insulas, armis perlostrauimus. Facundissimos agros, vrbes incomparabiles, & inter Asiæ clarissimas cepimus, diripimus, accendimus. Sæpè cum metu & pauore ex muris Constantinopolis conspecti fuimus. Moschouiam, quod legati nostri tractati sunt insolentiùs vno accessu atq; aduentu subegimus, fines & propè hominum cælum in ipsâ egressi, ad ea, quæ solitudini, vastitati, niuibus, frigoribus, feris, nocti tantum & tenebris superfuerunt vincendo deuenimus. Maximum illarum gentium Imperatorem, Basilium Suscium, cum Ioanne & Demetrio fratribus, captos victosq; supplices ad pedes nostros demisimus. Terribilem cunctis gentibus, infinitâque multitudine limen iam regni tenentem Otthomanorum exercitum, celeritate incredibili, non modò sine clade, sed nè cum detrimento quidem villo, à regno nostro repulimus, eiecimus, fugauimus.

uimus. Cæsarein Osmannum, à desperatione ad
fugam, ab hac ad dolorem, tandem ad fæda fa-
ta mortemque, miseriores nescias, pudore vel
damno, compulimus. Hæc tamen aliaque, ex-
teriorum fide, nî recenti hominum aspectu & me-
moriâ, absoluta fuissent, ciuium verò ipsorum
votis maiora, vt pronior nobis fortuna dederat,
ita eadem, hæc ipsa velut reposcendo recipien-
doque, adeò nos lacerauerat, vt vix locus mane-
ret fidei famæque priori. Nihil deinde immo-
tum, nihil tranquillum, nihil in eodem statu fu-
it. Extra amissa sunt, quæcunque affectauimus,
nec vlla nobis vtilitas inde aut gloria mansit, nisi
quòd habita erant. Intus, ferrum inter ciues stri-
ctum est, armaque ab exteris in nos ipsos versa.
Orta confœderationes, cum ijs questus, lamen-
ta, execrationes populi, atq; ex victorijs fortuna
victi regni. Exhaustum auro & argento regnum.
Cosacorum insolentiâ ad bellum vsque commo-
ta, armisq; compressa est. Facundissima Russiæ
Podoliæque ora, continuis & vix in vllâ seculo-
rum serie, auditis atrocioribus Tartarorum in-
cursionibus attrita & euattata est. Minor Polo-
nia finitimorum dissidijs belloque toties exterri-
ta, Maior hostium pressa vestigio, lacerataq; est.
Liunionia iterum iniecta manus, ademptaque est.

Aduersarum.

C

Concussa

Concussa nutauitq; Lithuania. Prussia, sui maris vorticibus circumacta, propèque absorpta, abrupto Capite, amissis præclaris arcibus vrbi-
busque, opulenta portoria vectigaliaque, alteri trans mare concessit Domino. Adeò cum inui-
ctos, & insuperabili potentiâ nos prætare puta-
remus, vix exitium perniciemq; vitauimus, neq;
prius ad sublime fastigium culmenque, nomen
nostrum & fortunam perduxisse, quàm eodem
tempore, propè ad finem quoque, nos ipsos per-
uenisse sensimus. Nisi ne soli meruisse videre-
mur, paria semper componendo fortuna, ab eâ-
dem minimè in alijs quoq; temperauit sibi vio-
lentiâ. Si enim referre fas est, & insectatione
gaudioq; procul, in socijs malorum de illâ queri,
plus quàm respondentia nostris vidimus, in Ger-
mania exempla, hoc quoq; in ijs vnum mirabile,
quòd grauiter pressa, citò se erexit, iterumque
lapsa citò concidit. Descientia, seq; velut à suo
capite auellentia duo maxima membra regnaq;
Expetitos & consalutatos, per summum nefas in
ijs, alienos reges. Delatos vtriq; fasces, imposi-
ta iam alteri regni insignia. Imperium, quod ad
nomen olim venerabile, victoris domitorisque
gentium populi, propèq; id euasit fastigium, vt
spernere quoscunq; potuisset, à ciuibz suis ex-
teris

*In Germania
res geste sub
Ferdinando
II.*

teris in prædam permiffum populis. Accitos atq;
à Neftro Pontoq; in ipfum fub fignis perductos,
barbarorum Scytharumq; exercitus. Pacifica-
tum, cum eo qui id fecerat, maiori quàm aut ho-
fti, aut rebelli præftari folet, fauore, conceffis
illi tùm alibi, tùm in Silefiâ duobus Ducatibus,
ipfoq; recepto pro imperij, cui hoftis fuerat,
Principe. Iam Bohemiam Pragamq; variè po-
fiffam & fæpè amiffam, prout hæ vel illæ partes
inualuerant, his illifue in pretium victoriæ tan-
tùm cedentem. Tùm fufcitato iterum bello, ex
reliquijs prioris, aucta renataq; fæuiora mala.
Et receptos in beneficia, & auctores beneficij,
velut pæniteret fidei opifue, quæ fanctiffima prio-
ri bello neceffitatiq; præftiterant, alios cùm ad
auxilium pofcerentur, fuis fe locis prouincijsq;
concludentes: alios dubios mediosq; ex pro-
prijs vñibus refpectuq; commoda fua difponen-
tes: alios propè in eadem mala, cùm ijs & qui-
bus peffima, & quibus immodica cupiditas erat,
deflectentes. Quâ animorum varietate diffen-
fioneq; nihil & Orbi & Chriftianitati, contin-
gere potuiffet funeftius, nifi FERDINANDVS
Cæfar, fæpè fortunâ, femper animo maximus,
immotus & inconcuflus, magis causâ & iuftitiâ,
quàm arbitrio votoq; amicorum & inimico-

*Quid cenfe-
as? nifi ver-
sum fuisse per
Europam or-
bem rerum.*

*Difficilis in
perfecto mo-
ra est: natura
lucetq; quod
procedere non
potest rece-
dit.*

*Diuitia &
auaritia, abū-
dantes opes
& voluptates
desiderium
percuti per-
dendiq; omnia
inuebunt.*

rum, felix ad suum diem, & victoriae perseveraret maturitatem. Ut abunde ex his cognosci possit, nihil difficilius etiam in summo positis imperijs accidere posse, quam ut perpetua sint, neque se viribus suis felicitateque cendant. Siue hoc quoque nostrum fatum, seu vicissitudo rerum, & fatalis vel necessitas, vel poena fuit, dedimus profecto eodem breuissimoq; tempore, grande varietatis & inconstantiae documentum ac exemplum, multiq; paucis annis, qui solum è vitâ vnius hominis, pro imperio eximi possunt, magnis bonis, magniq; malis superstites, utraq; tam citò affuisse, effugisseq; miramur. Quantalibet tamen inconstantia, & varietas fortunæ concipiatur animo, profecto nisi magnitudo victiorum magnitudinem fortunæ, æquasset pariter & perdidisset, nunquam ab illâ labassemus, imò ne laborassemus quidem. Mores cum aliquâ parte claudicant, fortunam nequicquam inconstantem mutabilemque accusamus: donec illi manent aut redeunt, ipsa iterum redit aut immutabilis est. Quod sæpius experti sumus. Memorare enim possum, ut illustriora quæque & ex dignitate, arctis & asperis rebus patrauimus; quibus in locis (quantula manus?) immensis hostium copijs circumuenti, velut ad certam iam mor-

tem

tem testamenta conficiendo, incredibiles victo-
rias retulimus; quoties parua in spe, maximo in
terrore positi, equis, viris, pecuniâ amissâ, fame,
siti, frigore, peste oppugnati, non hosti neq; na-
turæ succubimus; quoties inter omnia inimica
infestaque, procul à patriâ, ab omni opè & au-
xilio, in campis apertis & patentibus, munito-
res quàm domi, quàm clausi intra muros fuimus.
Etenim cum multa ad virtutem excitant erigunt-
que, tum præcipuè necessitas eam generat, pe-
riculum & formido exprimit, aduersa, etiamsi
cætera desint, ipsa docent. Quippe quò attenti-
us, eò firmitus agitur; constantiam felicitas dissol-
uit. Quantò hæc maior, tantò ex eâ vitia alia ali-
js deteriora succreuerunt veneruntque. In qui-
bus quod primum postreimamue quis recenseat?
Certè; omnium rerum quâsi ad legem, ad ma-
los mœurs mutatio, simulque fortune in regno,
velut quoddam iustitium secutum est. Adhæc,
ubi dulcedo otij, voluptas, tum prociuiusq; com-
modo ambitio, respectus, spes, amicitia, gratia,
patrocinium enata quoq; & collecta fuere, alijs
alium respectando, atq; intenta mala, velut ful-
men optando se quisq; tantum ne attingerent, in
vacuam orbamque rempublicam, impetum eo-
rum, qui diu hanc occasionem præstolauere con-

*Inopia & ne-
cessitas virtu-
tis nutricula.*

*Vitiosa ma-
gnâ rerum pu-
blicarum.*

*Qui eminent
indiriis homi-
num exponum-
tur.*

uertimus, prædæq; tandem ijs fuimus, quorum
spolia, cum laude nostrâ, à tot annis ostentaui-
mus. Quorum quidem malorum, vt reddenda
nobis aliquando ratio, & velut reis causâ di-
cenda est, ita hoc cautiùs diligentiusque tibi
VLADISLAEDOMINICE agitandum est, quò
maior te difficultas circundat, non ex fortunâ
tantum publicâ, sed etiam tuâ. Nam in alterâ
non maximis administrationibus præesse non
poteris, qui Patre & maioribus Senatoribus edi-
tus, ad consequendos summos titulos & hono-
res, hoc etiam tecum, quod Princeps es, affers
pro merito: in alterâ iam tantò maioribus illece-
bris & periculis expositus es, quantò tibi plura
licere scimus. Altera te probabit officio: altera
secernet exemplo. Ex alterâ rationem daturus
es, tanquam particeps sociusque aliorum: ex al-
terâ, tanquam solus. Arduum vtrumq; ac dif-
ficile, & quorum vnumquodq; peculiarem à te
laborem exigeret, nisi quòd iam didicimus, ean-
dem propè rem esse, agere bonum Principem,
& bonum Senatorem, præstare se ipsum laudabi-
lem, & laudabilem ciuem. Nam licet ad gloriam
multum respublica conferat, vita priuata plus.
Hæc in alteram vim suam impendit, hæc præit,
nec modo, quid in futurum ab aliquo exigi aut
sperari

*Bonus vir &
cuius natura,
iuncta & in
discreta sunt.*

*Virtus pri-
mos à vitâ
priuatâ pro-
gressus accipit*

sperari potest ostendit, sed eam quoq; præclaris facinoribus adstruit laudem, quod illa fermè inchoat. Ita altera per se indigens, alterius auxilio eget. Quanquam tu nobis minimè priuatus videris, cui tantum interest, Principem esse aut Senatorem, vt Principi detrahas, si quid non tanquam Senator facias. Habes tuum proprium forum & curiam, & in eâ hoc quoq; boni, quod alibi sæpe participes habendi sunt culpæ vel gloriæ, hic nemo habendus præter te ipsum. Omnia tibi præclara & magnifica contingere, potentia, diuitiæ, opes; adhæc numerosi clientum comitatus, splendidissimorum ciuium ad aulam tuam concursus; iam tot terræ vectigales, tot stipendia in finitimis quoque regnis pacta, domi viri, arma, equi, summa præterea in tuos potestas & imperium, decernas, agas, des, adimas, præponas, mutes, statuas vt lubet, in manu tuâ est. Si hæc expendas, nihil iam non in publico agis. Magnam tibi necessitatem hæc ipsa circumdant, quibus te vel ad gloriam attollas vel erubescas. Neq; enim diuitiæ, aut alia huiuscemodi, per se admirabilia & magnifica sunt, sed perinde habentur, vt eorum qui ipsas possident virtus est. Omnis illarum laus, in conspectu tantum est, quas si quis semel vidit, transit & contentus est,

vt si

Virtutis maximus campus in maximis diuitiis.

Non auri sed virtutis admiratione tangimur.

vt si picturam vel statuam vidisset. At contra illum, qui tot prosperis circumfusus, non plus apud se illis, quàm vt manerent dignitatis suæ subsidium, & magnanimitatis instrumentum permisit, virtutem in illis nec allisit, nec abscondit, pecuniæ, voluptati, rerumque indigentium cupiditati restitit, vt aliquem ex annalium memoriâ, vt cælo delapsum, & requirimus, & miramur, & narramus, perinde atque aliquem, qui Scyllam præternauigauit, nec abreptus est, Charibdi conspectus, nec retentus est, Circe poculum bibit, nec mutatus est, Syrenes audiit, nec accessit. Neque enim quod Poëtæ finxerunt, fortuna se ipsa impotens & cæca est, sed tales plerumque eos, quibus ad vota affluit, efficit, vt primum sui, deinde omnium obliuiscantur, idemque eius est, quod meretricularum ingenium, quæ neminem non ad sui amorem alliciunt, deinde suos amatores miserè perdunt. Ab huius vi & arbitrio te custodias vindicesque DOMINICE oportet, hinc virtutis initium ducas, eam maximam potestatem censeas, vt ipsum te habeas in potestate. Foris illa (licet) & circa te abundantia, splendore, apparatu suo sonet seque dilatet, intus non obstrepat, non turgeat, nihil in te mutet, atque aliter, quàm in pessimis consuevit, faciat

Poëtis quomodo fortuna cæca dicitur.

Fortuna ius in animum habere non debet.

ciat tuæ magnitudini fidem. Etenim cùm cætera hominis bona, in actione & exercitatione consistunt, hoc vnum in gloriâ solâ, non in factis positum est, laudabiliusque est, Principem esse, quàm velle videri. Quin alium te esse sentiamus, non quem fortuna ostendit. In fastigio magnâq; salutarium & sequentium turbâ, non superbum & tumidum, vt fastu, odium hominum inuidiamuè prouoces, sed comitate & facilitate amorem & beneuolentiam omnium augeas, tantò altius ijs crescendo, quantò te humaniùs demiseris. In viribus & potentiâ, non sæuum & insolentem, vt in felicitatis parte numeros, promptum in quamcunq; iniuriam aut ultionem, sed vim præferas, vt nocere cuicunq; possis, voluntatem, vt nemini. In indulgentiâ fortunæ & copijs, non eneruam & dissolutum, vt luxu socordiaue diffluas ac torpeas, sed ita te geras contineasque, vt nihil in futurum pænitendum excusandumuè habeas. In quæstibus amplisq; redditibus, non auarum & plura appetentem, vt alios atque alios ex finitimorum fundis cespites prædijs tuis affodiendo, vicinos ad auctionem coactos, à finibus tuis procul submouendo, infami aliquo quæstu turpi emolumento, fæneratio redditu, parùm licitò compendio, illiberali

*Humanitas
magna fortuna
deus &
ornamentum.*

*Quò quisq;
plus potest eò
minus quan-
tùm potest de
bei ostendere.*

*Nunquam ita
seperata sunt
cupiditates,
vt in eo quod
conscit, desi-
nant, gradus
à magnis ad
maiora sit.*

D

& inho-

& inhonestâ bonorum adeptione, copiosiore
 te fore existimes, sed in eo quod tibi à Dijs con-
 tigit definas, pro amplâ accessione & lucro re-
 putando, si opes, quas dederunt, constantes &
 incolumes diu seruauerint. Neque enim solùm
 fortunæ se ipsum non tradidisse moresque suos,
 gloriosum fuit ac difficile, verùm etiam haud mi-
 nùs pulchrû & amabile, prætulisse in alterâ alte-
 rius, & in excelsâ inferioris dotes. Nam nescio
 vt multa ad placendum à contrarijs suis or-
 nantur, oculisq; nostris gratiora sunt, quæ inui-
 cem misceri & tamen inter se dissidere fatemur.
 Sic ornat primos annos, senilis prudentia, dolci-
 or est pueri vultus, quem ad virginum similitu-
 dinem formauit blandior natura, gratior indoles
 puellæ, cui de non suo sexu, contigit masculi dex-
 teritas & ingenium: ita pulchrior & amabilior
 est fortuna, quæ inter aurum & argentum, inter
 palatia tecta; refulgentia, inter turbas gregesq;
 hominum se laudantium variòq; impellentium,
 inter diuitias, per omnes terras & angulos, exag-
 geratas & dissipatas, velut omnibus destituta,
 ostentationem modestiæ tincturâ operit, licen-
 tiam habet, & sibi dare nescit, in ingentibus ti-
 tulis humilitatem præsefert, à cuius periculo,
 tantò longiùs abest, quantò iam ipsa in altiori
 constitit

*Pulchritudo
 ex contrarijs.*

constitit fastigio. Maiores nostri, cum præclara multa & egregia in ordinandâ republicâ constituisent fecissentque, tum primam, in arcendâ procul à ciuibus suis arrogantia superbiâque curam habuere. Memores videlicet aliorum, quos in tristissimâ conditione, adeò eius vitij pertæsum fuit, ut vnum id, omnibus sceleribus & facinoribus antepontes, nec in immani truciq; homine, nec in plurimorum diuersissimorumq; flagitiorum fæditatibus, detestabilius concipere eligereq; nomen potuerint, nisi Superbi, coacti in eo, & Tarquinium simul odisse & regnum. Huic malo, à maioribus nostris exæquatione ciuium obuiam itum est. Ducum, Comitum, aliarumq; appellationum vocabula, ut secum aliqui cõoptati vel victi à nobis attulere, concessa sunt & retinentur, cæterum nomen tantum & honor mansit, vis ei & libido adempta est. Nichil fœdum externum uè permissum, ut dominentur alteri in alteros, ut quòd vni licet alteri non liceat, ut obnoxius sit Duci nobilis, ne ei sit vicinus, ne eodem itinere eat, ne in eodem foro consistat. Omnes pares esse, & inter amplissimos summosque titulos, vnicam Nobilitatis appellationem antetulere. Nempe magni animi viri, quibus in suâ terra, denegatis munimentis præ-

*Excursus ad
æqualitatem
& Nobilitatem
Polono-
rum.*

*Ducum & Comitum honor
manet in Polonia potestatis
cum aliis Nobilibus par.*

*Nobilitatis
appellationem omnibus
titulis Poloni
preferunt.*

*Nobilis nomen
unde derivatum.*

fidijſque natura dedit apertos tantum & patentos campos, eamq; inſuper neceſſitatem, vt ſecuris & felicibus eſſe non liceat, niſi pariter & fortes eſſent, nomen totum à militiâ parari oportere arbitrati ſunt, iſtâ virtuteq; ſuâ, inexpugnabile vallum & propugnaculum, focis, aris, liberis, coniugibus, patriæ, Dijs ſuis, ſibiſque facturi.

*Ducum quoq;
& Comitum
unde appella-
tio venit.*

Nam Ducum quoq; olim & Comitum nomen à militiâ natum eſt, quod præirent ducerentque, atq; ſuo comitatu & ſatellitio, Regum ad bella tendentium, communirent latera vitamq;.

Illis, citra affectationem priſca & ſimplex appellatio placuit, vt à militiâ, dando pro patriâ nomina Nobiles appellaremur, à quâ Ignominia vocabulum deriuatum eſt, quia negato nomine, nomen quaſi deſeret, faceretq; ignobiles. Scilicet vt qui milites eſſe noluiſſent, ne nobiles quidem & ciues eſſent, quodq; ipſi, patriæ non fuiſſent, eorum quoq; patriâ propè nulla eſſet.

*Equitum Ni-
uernenſium in-
ſtitutio & or-
do in Polonia
non accepta-
tus, A. D.*

de inuidia cupiditaſuè in exteros titulos. Anni ſunt non admodum multi, Adolphus Comes ab Althan, inſtituto nouo Equitum, à Duce Niuernenſium aduerſus Turcas ordini, pubem quoq; Polonam cõoptatum venit. Paucis id, vt nouum, ſpecioſum fuit; plures, quod offerebat, non acceptauère. Quippe externa ambitioni ſueto,

non

non erat notitia nostri, apud quos nihil in regno
magnum præter Nobilem, nihil in Nobili præter
virtutem, frustra que eos ad inanes & irritos titu-
los trahi, qui summos in patriâ exæquarent. Igi-
tur vt commune nomen, ita & alia, nec vlli præ-
cisam spem aut aditum, ad summos honores vo-
luere, sed quamuis inopi, dummodo fortis esset
& strenuus, pace aut bello bonus, patere cum
potentissimo quocunq; in republicâ administra-
tiones, officia, imperia, Pontificalia æquè ac Se-
natoria insignia, in commune diuitem & pau-
perem sententiam ferre, æquè liberam potesta-
tem suffragij, in legibus ferendis, antiquandis
habere, de maximis iuxta ac de minimis rebus
disceptare, causam capitis & fortunarum coram
ijsdem magistratibus dicere, census, descriptio-
nes, tributa publica ex æquo perferre, omnes
deniq; in vnum populum, vnum ius, vnam rem-
publicam, vnum nomen & appellationem coa-
lescere, libertatemq; non in vno ordine, non in-
tra paucorum domos concludi, sed per omnes
ciues, omnes nobiles æqualiter diffundi, totiusq;
regni possessione gaudere voluerunt. Quod
profecto, antequam alteri alteros vincere, aut
quouis modo anteire concupiuimus, magno vsui
nobis commodoq; fuit. Antecedebat humilem

Dignitates,

Honores,

Suffragia,

*Forum,
Census,
Tributa,*

*Nobilibus &
Ducibus ead-
em & paria
in Polonia.*

*Ex equalita-
te maxima
interciues
emulatio.*

*Exterarum
gentium &
Prouinciarum
nobiscum
coniunctio.*

*Lithuanorum
cum Polonis
unio.*

potens non remouebat. Iura eadē omnes æquabant, virtus à cæteris separabat. Hoc quisq; habebatur maior, quò melior. Quantò plùs consilio & experimentis cognitus, tantò promptiùs honores assequebatur, tantò magis in honoribus æquales anteibat, tantò plùs gratiæ, auctoritatis, plùs notitiæ & nominis apud nobilitatem sibi parabat. Res quoq; nostras, eo pacto magis quàm bellis auximus: plura bonis moribus quàm viribus effecimus, dum captiuos quoque sanctè habuimus, dum contumeliam ab hostibus etiam abstinuimus. Non simulates modò aut odia cum finitimis, sed atrocia bella finiuius, multos ex infestis hostibus, socios fideles ciuesq; nostros effecimus, amicitiam & concordiam, sanctiorem quàm ex fæderibus aut iureiurando habuimus, tot prouincias gentesq; , quotquot aut vicimus, vt pari libertate haberemus, aut non vincendo in societatem accepimus, dispari genere, dissimili linguâ, alias alio more rituq; viuentes, in nostras transtulimus nationes, Russiam, Podoliam, Lithuaniam, Liunioniam regno nostro adiunximus. Ex quibus Lithuania, in æmulationem & ne inuicem confunderetur, suis se in pace honoribus, in bello officijs fide bonâ, consensuq; nostro, à nobis separauit distinxitq;.

Inde

Inde tot illic, quot apud nos magistratuum officiorumq; vocabula, Palatini, Castellanei, Cancellarij, Marschalci, Duces, terræ quoq; discretæ, quas bello tueantur, Senatus pars ex illorum gente, alia ex nostrâ, vnus tamen populus, vna respublica nobiscum facta est. Tunc domi nobis solida pax & quies fuit, tunc aduersus externos floruius. Quorum etiam nunc multos viritum vltroq; venientes, post edita virtutis experimenta, spectatam in bellis fortitudinem, pro ciuibus nostris recepimus, ex Italis, Germanis, Hungaris, quorum nunquam nos pœnituit, & posterorum apud nos manent, nec amore nobis in patriam fideq; concedunt. Quin maximis titulis desiderium nostri & reuerentiam fecimus, magnæque nuper gloriæ nobis fuit, duos Valachiæ Duces, consortium & Nobilitatem nostram, alterum expetuisse, alterum suscepisse, seq; inter ciues & Nobiles, incolasque regni nostri posito Ducatu inseruisse. Atq; ego quam opportuna & salutaris, à maioribus nostris inuenta relictaque æqualitas hæc fuerit, aliàs edisseram. Nunc eò vnde abij reuerti placet.

Sed per ceteros mortales illud pro vero constat, reque compertum est, quibus diuitiæ & similia insperantibus accidunt, insolentiùs plerunq;

*Nobilitatis
Polonæ ab ex-
teris affecta-
tio.*

*A Ducibus
Valachiæ,
Gratiano &
Bernawski.*

*Vetus an re-
uens facti di-
uites nobiles-
ne mitiores
& modestio-
res.*

*In illustribus
& vetustis
familiaribus editi
minora vitia
obtinere.*

*Nonitas &
aviditas re-
bus pretium
facit.*

*Ex paupertate
et quos in o-
pae fortuna
intrusit de-
rioris sunt.*

rumq; & immoderatiùs in ijs, atq; illi, quos statim ex maioribus suis nasci in ista contingit agitant. Nam cum vnaquæq; & magna & humilis fortuna, sua habeat feratq; vitia, deteriora sunt, quæ altera secum in alteram transfert, & velut inuicem cum eâ confundit miscetq;e. Qui diuitias, decus, honorem in familiaribus ex vetusto obtinent, placidioribus malis, nec ita multis premuntur. Idem tenor fortunæ, & perpetua in domo honorum consuetudo, superbiam amouet, quæ sponte recedit, non habendo, in quo se, vt nouo attollat. Comitas & humanitas ijs eò promptior est, quòd priùs nulla præiuit humilitas, de quâ tunc erubescerent. Auiditati & rapacitati vires auferunt parata abunde & velut reposita à maioribus bona, ad quæ improbis magistris adhuc opus ijs non fuit, paupertate & desiderio. Velut feræ, diuturnâ consuetudine & vfu hominum mansuefactæ, à notis mucrones vnguium in corporis vaginas condunt, & morsum aciemq;e retrahunt; ita in hoc genere vitæ, vitia, diuturnâ familiaritate fortunæ edomita, mansuescunt & exarmantur. At contra ij, qui maioribus fati, quàm ex parentibus nascendo comparuere, potentiam aut diuitias adepti sunt, eò minùs à maioribus vitijs immunes & liberi fiunt. Primum, metu

Princeps Polonus.

31

metu nouiter parta amittendi, in quo velut sub-
sidiariam cohortem, & assecclas comitesq; prio-
ris conditionis retinent aluntque sollicitudinem
anxiam, metum illiberalem, custodiam peruigi-
lem, auiditatem ad quodcunq; ostentatum emo-
lumentum semet acuentem, tum si quid forte
depereat, aut intertrimento aliquo imminuatur,
si seruando non seruetur, si amicus, si propin-
quus, vtendum, mutuandum, appendendum
roget, dolorem, odium, indignationem, iracun-
diam, furorem. Deinde, præcipiti & festinâ
destinatione, quàm primùm altissimè emican-
di, propagandi que opes ad centesimum vsq; ne-
potem, quæ sæpè in primo redundantes etiam
atq; superfluentes stirpitus exolefcunt & defici-
unt, immanesq; non rarò census alienis nutriun-
tur hæredibus. Quippe pleriq; mortales, in fortu-
næ nouitate præterita magis meminêre, & sicut
in aduersitate, infelicissimum genus miseriarum
esse putant, fuisse aliquando felices, ita in secun-
dis rebus cùm affluunt, hoc ipsis maximum facit
tormentum, quòd olim fuerunt egentes. Nam
primæ suæ sortis non immemores, illamq; sæpi-
ùs recolentes, ne rursus in eandem ipsi hæredes-
uè recidant metuendo, tantò magis intenti pa-
rant, festinant, ad quamcunq; spem ostenta-
tumq;

*Metu nouiter
parta amit-
tendi.*

*Festinatione
opum propa-
gandarum.*

*Metu in prio-
rem sortem
recidendi.*

*Aduersus qua
sibi prospici-
unt.*

*Auauitâ,
&*

E

tumq;

*Scelus,**opprimendo
inferiores.**obsequendo po-
tentioribus.**Pro thesauro
carbones.*

tumq; commodum se animumq; fatigant. quibus lucri hausti salua, non tam adfert suauitatem rerum partarum, quam intendit maiorem acrimoniam quærendi. Porro alij, prout diuitiarum alia adhuc natura est, seq; ambitio aut insolentia adiungit, quanquam generosiori animo à fordibus abstinent, ad alias tamen artes, haud magis honestas, fœdæ contrarietatis studio, seruiendo auaritiæ in ostentatione magnificentiae se vertunt transeuntque simplices & modestissimos la-
cessere, varijs iuris prætextibus, legitimis quandoq; & ciuilibus, verùm rapacibus & iniquis circumuenire, terrere, bonis euoluere, fœda crudeliaq; facinora in inferiores edere, alios atq; alios ag' vicini cespites agro suo affodere, vltra fines accolæ exigere, eò potiùs respicere quantum alijs facultatum superesset, quam quantum sibi tam subito & de nihilo accessisset, ad bonum & honestum nisi ex vtili & conducto venire, impotentissimis potentiorum voluntatibus, annuere, subscribere, tribuere, leges, æquitatem, diuina & humana omnia mercede deferere, resolvere, rescindere, vti foro, obsecundare fortunæ, magis magisq; in dies malè faciendo & dicendo crescere, dissimulare, conniuere, obaudire, demùm etiam obsurdescere. Quorum opes, si ad
calculus

calculum reuocarentur, talentum in ijs vnum, auri veri probique non inueniretur, quod innocens, quod suum possent dicere, quod nemini creptum esset, quo ampli & magni, sine alterius diminutione apparerent, de quo aut alij ingemiscere, aut ipsi crubescere non possent. Atque hæc & alia, quanquam nullum est vitij cum virtute consortium, tamen inter se circa extrema coire, & vtrorumq; fines in vnum conuenire desinereque ostendunt. Nam diuitias, honores, & plura alia, & bonis & malis rebus parare licet, multi pro gloriâ & famâ, non virtute tantum, sed largitione magnisq; dispendijs certarunt, tyranni securitatem, non minùs seueritate & timore, atq; alij amore & reuerentiâ quæsiuerunt, nisi quòd hæc breuia & fluxa erant, facileque eos vincere potuit, quisquis voluit imitari. Quin inter disparia & dissidentia, inuenitur quædam affinitas & similitudo, alterumque sæpè alterius velut vicem gerit, eiq; respondet. Ita pauperi & diuiti, par propè est sollicitudo, similis tristitia timorque, alteri vt acquirat, alteri vt seruet, alteri quòd minùs habet, alteri quòd ampliùs cupit, alium quòd necessitas exagitat, alium quòd ipsæ diuitiæ, alius cùm iniuriam metuit, alius cùm insidias, alter cùm non habet, quod post

Fines virtutum & vitiorum.

Affinitas & similitudo.

*Senium &
Canicies fami-
lia in ea opum
& dignitatum
in Dominico.*

se ijs relinquat quos amat, alter quòd relinquere cogitur ijs quos non amat. Verumenimverò DOMINICE cognomento hoc propè gentilitio dignissime, non ex isto genere Principum, aut ex hoc carcere hominum es. Non te cupiditas vlla aut sordida computatio Dominum fecit. Deorum immortalium munere, diues statim felixque in lucem venisti, atq; ea, quæ alij, multis vix totâ vitâ consequuntur conatibus, parta parataque à maioribus accepisti. Intelleximus etiam, vt satis maturè & propè ab ætatis exordio, velut generosioris arboris planta, quæ statim cum fructu est, copias bonaque tua dispensare, quàmq; bono omine cæpisti. Nam cum exercitui ex Prussiâ reduci, stipendium ex ærario persolveretur & defecisset, illud tuâ pecuniâ suppluisti. Quo quidem facto tristissimis his temporibus, multiplex nobis bonum poperisti. Et promptâ beneficentiâ, necessitati rei publicæ succurristi, & certâ securitate militem à suetâ confœderatione propeque iam initâ continuisti, & consultâ prouidentiâ regnum plebemq; à direptione & calamitatibus imminentiibus exemisti. Succurristi sumptu tuo necessitati rei publicæ, non vberius ab eâ beneficijs auctus cumulatusq; , non amplius ab eâ reposcendi recipiendique voto ac studio,

*Ærario publi-
co à Domini-
co succursum.*

Leopoli, 1631.

studio, sed pretium vnum tantum tibi fuit, bene fecisse, dedisseque pecuniam tanquam non reuersuram. Serua hunc tenorem vitæ rationemque propositi, placeat tibi semper simile factum, & inter innumera decora, ad quæ tua te prouehit indoles, non postremam laudem existima, vt virtutem comitem, ita fortunam pedisequam habere. Sequatur hæc quod iusseris, splendoremque tuum non cumulis diuitiarum opumque, sed vsu & fructu suo augeat & extendat. Quippe aurum argentumque similia sunt terræ, vnde eruuntur, si iaceant, sicut vsu crescunt ad pretium, ita velut defossa iterum & sepulta manent, vbi tenacium manibus clauduntur. Multa quæ in humili & mediocri fortunâ laudem habent, in magnâ & excelsâ non perinde probantur. Frugalem esse & rei quærendæ studiosum, honestum est & laudabile ei, qui hâc diligentiam necessitates suas custodit, se ab egestate tuetur, accepta damna reficit reparatque, inualidæ senectuti otioque reponit, qui futuri incertus in diem tantum acquirit, quem adhuc tenet timor expertæ miseriæ. Nam quemadmodum sapientis est, aduersa & fortuita si eueniant, magno animo sustinere, ita dementis, ipsum sibi frugalitate & diligentiam, non facere bonam constantemque fortunam. At illum,

Aurum, argentum, pretium vsus sunt.

Frugalitas virtus principum.

Turpis in Principe.

*Commercium
& lucra Polonis
antiquis
inuenta & in-
honestâ.*

*Eorum celsi-
tudo animi,
& liberalitas
magna: ra-
rissima hodie.*

cui ex frequentibus & latissimis villis quotidie securæ congeruntur opes & redditus, cui plena horrea cellarû; tutos spondent annos, hâc virtute nomineque minimè laudari audimus. Frugi hominem dici, laus est priuatorum, Principum potius crimen, nec turpior res est, quàm Dominus in damna lucraue nimium curiosus. Quæ res adeò illiberalis & inhonesta maioribus nostris visa est, vt relictis muris & vrbibus, Nobiles non commercijs lucrisuè rem quærere, sed quæstum, qui crimine careret, procul ab vrbibus, à contactu vitiorum, ex falce aratroq; capere voluerunt, detestati quascunq; sordes animorum, in splendore natalium. Quorum animi excelsi, documenta tunc magna fuisse accepimus, quòd quantò maiorem gloriam, pace aut bello quæsiere, tantò rem familiarem opesque suas contractiores fecêre. Sæpè quò studium eorum in rempublicam clariùs existeret, priuato sumptu conducti ab ijs milites, repressi hostes, susceptæ & ad externos legationes, & ab exteris suscepti splendidè ac magnificè legati ac illustres hospites, structa in honorem Deorum magnifica templa, ædificata Gymnasia, redempti è seruitute Turcicâ Scythicâque capti, promoti ad rempublicam, aut proprijs redditibus amplificati magni viri magnaque ingenia,

ingenia, donatæ in præmium mercedemque bonorum reipublicæ, amplæ possessiones & patrimonialia. Quippe laudis auidi, pecuniæ liberales erant. Donare, quàm accipere beneficia, dando se munificos, quàm exigendo acerbos esse malebant, magis id laborare, ut alij sibi deberent, quàm ipsi ea repetere, magnitudinem suam in addendo reipublicæ, non demendo ostendere, gloriam ingentem, diuitias honestas cupere. Erat enim tunc in more omnibus priuata munificentia, rei que publicæ pecuniam, cum contigerat, tantò modestiùs dispensabant, quantò sibi plùs licere de suo, quàm de publico credebant, & cum de reipublicæ commodis, nihil tunc de suis cogitabant. Igitur quàm inopes pecuniæ, tam diuites gloriæ fuerunt: nihil præter ferrum dextrasque & animum habuere ditissimum, auro æque ac ferro inexpugnabiles & inuicti: magnificentia æmulatio inter eos maxima, auaritia minima erat. Etenim hæc ubi semel pectus hominis ingressa fuerit, varijs venenis imbuta, innumeras vitiorum cohortes, quæ detestabili deuotione sibi famulantur, eò infert inducitque, superbiam, crudelitatem, perfidiam, omnis pietatis & honesti obliuionem, Deorum hominumque contemptum, & alia quàm plurima, nesciens recepta esse alicubi

Auiditas gloria, aliarum rerum pariter contemptum.

Auaritia vitiorum facunda mater.

Eius agmen.

*Magnificen-
tia cum parci-
tate non con-
sistit.*

*Gratitudo,
alia Principi-
pum, alia in-
feriorum.*

*In beneficien-
do agros ferti-
les imitari de-
bemus, qui
multo plus red-
dunt, quàm
accipiunt.*

*Diuitia ad
magnas vir-*

se alicubi solitaria, quæ insuper eâ quoq; poenâ mulctata est, quòd quicquid alijs rapit etiam sibi negat. Et profectò magnificum velle videri, & sumptibus parcere, domi se contrahere, foris extendere & famam quærere, rem familiarem arctius habere & auaritiâ fordesque non incur-
re, opinione asperius est. Nam alijs alia licentia est, Principum conditio, quò se à priuatâ & humili fortunâ celsius, eò mores quoque suos ab eâ longius remouet, qui aliquando in alterâ, quanquam sunt virtutes, in alterâ tamen habentur pro vitijs. Quæ inter priuatos & pares laudabilis est, in Principe pro ingratitude habetur retri-
butio meritorum, quantum supra eam præmi-
um quoq; conferre, & amplius tribuere potuif-
se, quàm ab inferiori acceperat, credebatur is, cui opulentior altero fortuna contigerat. Quip-
pe æquitas in beneficio inter eos videri non so-
let, inter quos non est aqualitas. Vt enim felici-
tatis est, quantum velis posse, ita magnitudi-
nis animi & generositatis, velle, quantum possis. Etenim cùm liberalitatis duo sint genera, vnum dandi beneficij, alterum reddendi, demus necne in potestate nostrâ est, non reddere nemini non qualicunq; bono viro licet. Sicubi enim, in diuitijs oppidò sunt virtutes excelsæ & magnificæ,
quæ

*tutes viam
faciunt paten-
tem.*

quæ cuiusque præstantiam & magnitudinem, monstrant deteguntque, per quas magna fortuna, communi non contenta latissimâ viâ ad gloriam prouehitur. Illic temperantia, dispositio, munificentia, splendor, magnificentia, campum habent latè patentem. Nam sicut diuitiæ similiaque, bonis perinde ac malis, ignavis & strenuis, communes sunt & promiscuæ, ita dignum ab alio, non nisi animus eius qui habet & vsus distinguit. qui nouit vt optimè collocari possint, quo amplissimè fænore extendi, in quo vera & sempiterna sit earum gloria: non ijs molliri, non languescere & marcescere, non abuti per turpitudinem, non eas per superuacanea & inania trahere, vexare, profundere, per luxuriam populari: sed hunc ijs demereri, illi beneficium reddere, huic succurrere, alterius misereri, alium tueri, alium in notitiam hominum producere, nec eas sordidè claudere, nec prodigè spargere, non casu & velut in lusu talario, damnofo iactu emittere, vt manu ad indignos excidant, sed consilio & iudicio distribuere, vt vtiliter & honestè exeant, scire donare non perdere. Quemadmodum enim magnæ laudis est, contemnere opes si non habeas, ita non minoris, easdem scire ad beneficentiam liberalitatemque conferre, si habeas.

*Honesti &
laudabiles o-
pulentia exi-
tus.*

*Errat, qui fa-
cilem rem es-
se existimas
donare.*

*Premia bonos
& malos pa-
riunt faciuntq;*

*Manus larga
industriam &
virtutem nu-
trit.*

*Duo Dij in-
terris, Bene-
ficii & Pena.
Democritus
apud Plinium
lib. 2. cap. 3.
Solon his con-
tineri respu-
blicas existi-
mauit.*

*Premium po-
tentijs po-
tiusq; omni
pœni.*

Quæ res vt pulchra Principi & gloriosa, ita vbi in contrarium deflexit fæda & exitiosa est, ex quâ grauis protinus ad quàm plurimos serpit vitæ pe- stis. Nam perinde omnes res laudantur atq; ap- petuntur, vt earum vsus est, turpeq; & honestum homines expetunt vel fugiunt, prout illis hoc vel illud benè aut malè cedit. Quippe virtus præ- mio & honore alitur, vbi ista ademeris, ipsa per se amara & aspera est, donec spreta & egena eò deficiat, vnde inertiae malitiæue merces venit. Vt non absurdè à quopiam, rerum humanarum curam, duo tantum numina agere, neque alios Deos in homines vim habere creditum sit, nisi Beneficium & Pœnam. Absq; enim his, neque priuata res, neq; publica, neq; domi, neq; mili- tiæ administrari rectè potest. Quanquam inter ista alterum, vt homines à delictis prohibeat, acerbum tamen & sæpè crudele est, quo vrbes magis vastantur, quàm mores corriguntur, libi- doq; in bono exemplo grassandi sibi quandoque occasionem in innocentes facit. Ea vera & sim- plex via est, quàm supplicio quenquam cogere, prouidere potius quæ virtuti debentur, ea ne ma- li & indigni possideant, Nunquam enim malè donata ibi consistunt, vbi collocantur; sed ad da- tores velut reuertendo, vt ex bonis honori & glo- ria,

riæ, ita ex malis dedecori & pænitentia offeren-
tibus fiunt. Quippe quò per socordiam iudi-
cijue inopiam Principes in immeritos prouiores
sunt, eò fædiora admittunt, neſtuntq; in ſe quâ
valeant trahi catenam. Nam & ſemel ad benefa-
ciendum malis inducti, ſimilibus ſpem de ſe faci-
unt ijsq; animum accendunt, & ſæpiùs obſecu-
ti vltro licentiam illis poteſtatemq; in ſe tradunt
& concedunt. Tales enim gratiam illorum quo-
quo artificio obſequioué adepti, poſtquam eâ ſi-
bi aliud poſt aliud munus peperêre potentes iam
gratiâ, primùm amicos & clientes ſuos vel quos
in rem ſuam idoneos fore exiſtimant Principi in-
ferere, non niſi diuturnâ ſibi obſeruantia & leno-
cinio probatos auctoratoſq; ſuggerere, ſubmit-
tere: deinde vbi plures eiufmodi haud dubia in-
ſtrumenta partium ſuarum à lateribus, ab auri-
bus eius ſecêre, vnâ cùm ijs ad omnes admiſſio-
nes atq; aditus Principis, diligentes ſtationes atq;
excubias agere, neminem ad eius penetralia niſi
obſtrictum, niſi excuſſum, admittere, niſi re-
demptâ commendatione inſinuare, conſulta, edi-
cta, in rem ſuam ſuarumq; neceſſitudinum con-
cipere, ampliare, temperare, ferre, agere, de-
cernere, reſcindere, vt auaritia aut ſtudium tulit,
alijs feroces inſtare, negotium faceſſere, alios

*Senſim &
per gradus
vni malo indi-
gnos benefi-
cia collata
plures admi-
tunt recipi-
untq;.*

*Spes impro-
biſſimas con-
ſequuntur in-
ſperata conſe-
cuti.*

Princeps Polonus.

*Inconsultus fa-
uor & benefi-
cium turpitu-
dini aut culpa
accipientium
alligat Prin-
cipem.*

quanquam flagitiosissimos ex reis eximere, im-
munitatibus iuuare, omniaque ad se trahere be-
neficio vel terrore. Ita plerunq; euenit, vt quem
dominum esse deceret, is supra se dominos plu-
res habeat. Igitur ab his similibusque, tantum
in conferentes crescit inuidia infamiaque, quan-
tum ista licuit ipsis cauere, quos constat potuif-
se ex omnibus optimos eligere debuisseque velle
quæ cuncti debent optare. Deinde, vt nihil non
præposterè geritur, ita nihil non pessimum exi-
tum habet, in quo videre licet tot turbines, cali-
gines, naufragia, secus admissa, inter quæ Prin-
cipi contingit horrere ad suos errores, & quam
condidit potentiam sæpè metuere. Vt minimè
mirandum sit, quod à quibus quotidie in pecca-
ta aliorum conscribuntur supplicia, ab ijs quoq;
per tristes euentus metusq; à Dijs pænæ expetun-
tur maximè, & apud homines quanquam non
voluntas, error eorum veniat in crimen & infami-
am. Delicta verò semel permissa disseminataq;
inter tam multos, vix vllâ in posterum antiquan-
tur exolescuntq; ætate aut æui senio, sed initio re-
ciprocantia tandiu se inferunt, donec postea de-
finat remedio esse locus, quæq; facinora erant
mores fiant, quibus deinde virtutes nec sperare
licet, nec habere prodest. Rerum enim initia
plerunq;

*Ita est, boni
mores breuis
vita sunt mali
immortales.*

plerunq̃ue in aliquâ potestate sunt, vteriora nos vi sua rapiunt, nec regressum relinquunt. Vnde pro vero habetur illud, Meliorem esse rempublicam & propè tutiorem, in qua Princeps malus est, eâ, in quâ sunt amici Principis mali. Nam vnus malus, potest à pluribus bonis corrigi & emendari, multi autem mali, non possunt ab vno quamvis bono, vllâ ratione superari. Adhæc, vnus vitij, mors saltem medetur, possuntq̃; à successoris moribus sperari meliora: multorum labem non vnus fatum eluit, nec sapè multorum potest, cum ab aliquot, omnes iam idem facere didicerunt. Nam bona facile mutantur in peius, in bonum ecquando vertuntur vitia?

Apud Lampridum in Alexandro Seneca.

Sed ego plerosq̃ue Principes, à se ipsis magis destrui decipi q̃ue, quàm ab alijs arbitror, & inter frequentes ac præcipuas causas esse existimo, amorem & æstimationem sui. Id quod à Sapientibus veteri verbo comprobatum est. Neminem ledi nisi à se ipso. Sicut enim cibos, qui plurimum voluptatis habent, magis concupiscimus quàm salubres: ita amicis ijs nos libentius adiungimus, qui abundant dulcibus vitij, & quibus ipsimet nobis placemus. Qui postquam sese insinauerunt, & quicquid inane in animo Principis erat, secundâ aurâ laudibusq̃ue sustulerunt, duas per-

Nemo leditur nisi à se ipso.

Dua pestes in aulis regnant.

*Adulatio,**eius progres-
sus & artes,**quibus ardu-
um resistere*

niciosissimas pestes exhalant propagantq; Adulationem & Calumniam. Altera veritatem mentitur, altera obscurat, vtrâq; eripit. Altera optimum quenq; ex animo Principis emolitur, altera ipsi Principi excantat animum. Habent enim naturâ hoc in se blanditiæ, quòd etiam cùm reijciuntur placent, nec contingit quenquam magis alienâ adulatione perire quàm suâ. Nemo enim eam recipit, nisi qui intus fouet, cùm sibi placuit, tum præbet aures idem agentibus. Nam & assentatoribus perit labor cùm sollicitant aut deprehenduntur, & factum obtinent, cum ingenium aliorum & mores induunt. Quibus tecti & semet occultantes, explorant attenduntq; quòd quenq; sua natura & cupiditas vocat, quid quisq; amet velitq; quid in vnoquoque verecundiam & pudorem faciat arceatue. Quæ deinde sensim callidèq; soluendo, probra & dedecora, varijs virtutum nominibus vestita & circumdata, sitim inexplabilem habendi prouidentiam, cæcum sui amorem, prudetiam, maledicendi morbum libertatem, libidinem & luxuriam animi relaxationem, impotentiam & crudelitatem curam reuerentiæ & maiestatis, iniuriam disciplinam, malarum rerum audaciam fortitudinem, aliâq; aliter appellando, vnum quenq; eâ parte,

eâ parte, quâ facilis captu est, aggrediuntur. Quibus tametsi primò oblectatur, atq; ea qualicunque adhuc reuerentiâ aspernatur incorruptus animus, quotidiano postea impulsui & illecebris impar, in preceptis prauumq; abstractus, omnis boni vim & indolem exuit ponitq;. Vix enim magnâ custodiâ pudor retinetur, nedum inter adhortamenta vitiorum, modestia aut quippiam aliud probi moris manet. Tum vbi hoc perfecere, cunctaq; pro egregijs accipi vident, ad aliam quoque partem transcendunt, crimina in alios colligere, verba per malitiam attollere, intendere, aggregare falsa, calumnias ad occasionem vt olim Brennus gladium ad stateram adijcere, ad priuata odia & similitates, Principis potentiam deducere, eandem alijs ad similem usum precio vendere, parem venerationem ab inferioribus reposcere, quidlibet impune per Principis timorem & reuerentiam facere, iniuriam inferre, non se propriâ, sed domini fortunâ metiri. Vnde deinde fit, vt de domino homines loquantur, quando ijs coram domino loqui & conqueri non licet. Quorum quisque si vel vnum probum & candidum in aulâ haberet admonitorem & amicum, qui esset quòd Agamemnoni Nestor, quod Philippo Macedoni Parmenio,

Calumnia,

eiusq; insolentia.

Ex his nascitur seruitus ignorantio veri

menio, quòd Alexandro Leonidas, quòd Octa-
 uio Cicero, quòd Phænix Achilli, quòd Dario
 Zopyrus: qui instrueret doceretq; , qui mores,
 quæ studia, quis modus inter homines famâ aut
 veniam vel odium ferret: qui tanquam explora-
 tor nihil reticeret absconderetq; , sed iure suo re-
 ferret, cuiusmodi esset de moribus Principis exi-
 stimatio, quæ actio eius plausum omnium ordi-
 num, quæ aduersum rumorem, quæ bonorum
 & grauium virorum approbationem excitaret,
 caueret profectò, minuscq; respiceret domestico-
 rum voces, nullique magis quàm audienti infidi-
 antes susurros. Nam cùm Principes publicè am-
 bulare non possunt, eò miserius degunt, quò &
 vera sæpius apud eos reticentur, & quam in alios
 sibi sumunt, alijs de se dare licentiam nolunt.
 Quapropter Poëtæ, Midam Phrygiæ regem, præ-
 grandes & asininas aures habuisse tradiderunt.
 quo denotabant figmento, Midæ omnia quæ à
 suis agebantur dicebanturue comperta explora-
 taq; fuisse, prudentiâ consilioq; ita res suas com-
 posuisse, vt florentissimum & beatissimum re-
 gnum habuerit: aliâ hoc denotantes fabulâ, ni-
 mirum aurea efficiendo, quæcunque manibus
 contrectauisset. Neq; enim in re agresti magis,
 ac vitâ ciuili, hominumque regendorum ratione

*Miser cordia
 & Veritas cu
 sodiunt regē.
 Prouer: 8.*

*Midæ aures
 asinina.*

*Interpretatio
 fabule.*

verum

verum est illud, Frontem occipitio potior
esse, aut secus in imperio atq; corporibus acci-
dit, A capite bona valetudo, sicut grauissimus
morbus est, quisquis ab eo diffunditur. Sed
mihi DOMINICE, quanquam nulla pulcherri-
mi operis possit esse longa tractatio, & tibi nihil
sit iucundiùs, quàm maximè discere, quod opti-
mè scias, vsq; eò tamen progredi, & præcipuè vi-
tijs in tantùm immorari à principio non fuit con-
siliu, postquam factum est, non inane & citra
operæ precium euenisse arbitror. Quamuis enim
virtutis facilis est præceptio, naturam cum ratio-
ne intueri & sequi, nimis tamen brevis præce-
ptor esse videtur, nec multum præstare, quoties
nil de ea dicit, nisi quod necesse est, præsertim
excedentibus modum vitij, vbi virtutem tan-
tùm commendare parum est, cum iam alterum
nimium est. Adhæc, neq; delicta ostendere suf-
ficat, quibus caruisse prima præcipuaque virtus
apud Sapientes creditur, verùm etiam exagitan-
da sunt, turbanda, ex intimo recessibusque suis
euocanda, quò detestatione hominum suaq; fæ-
ditate palleant. Vt medici, non apparentia tan-
tùm aspiciunt, sed quærunt & protrahunt magis
ea, quæ latent, quæ sæpè ab ipsis qui sanandi sunt
occultantur: ita in vitij eruenda sunt, coargu-
enda,

*Frons occipi-
tio potior.*

*Euersi mores
& nequitia in
omne nefas la-
psa multa
præceptioni-
bus & auxili-
is indiget.*

*Non paruum
lucrum fecit,
qui damnum
effugit: non
paruum ad
virtutem mo-
mentum attu-
lit, qui viti-
um exclusit.*

*Autistes in-
terrogatus,
quam esset
disciplina ma-
gis necessaria
Mala respon-
dis dediscere.*

*Mores Polonorum
prisci,
& seculum
criminū inops*

enda, pluraque mala detegenda, quam fronte se proferunt ostentantque. Perierunt casta illa tempora, quibus procul à nobis vitia ipsa, ignoratio habuit, cum rudi adhuc & simplici, amplius quam nunc exculto & intelligenti seculo, inter mortales esset sinceri & securi: cum minimè opus esset simulare, dissimulare, fallere, falli, aliud in pectore aliud in lingua gerere, vultu bono ingenium pessimum obtegere, inuidiam in occulto, adulationem in aperto, palam amicitiam, clam criminationem intendere, cum mores, modestia, fides, abstinencia, in vniuerso populo naturā & ex ingenio esset tanta, quanta nunc ex legibus in singulis non habetur, cum vitia non remouenda sed tantum non adducenda erant, cum plus prodesset ipsorum ignoratio, quam nunc virtutum cognitio. Nesciuit tunc quisquam posse quod posse non debuit: nihil in alium admittebat, quod in se fieri volebat: ita quisque alteri velut sibi credebat: non paupertatem alienam premebat, non suam avaritiā explebat. Ius æquumque naturā magis quam legibus vigeat: pro iure æquitas, pro legibus habebantur boni mores: pro innumeris edictis tabulisque, duæ tantum seruabantur Pudoris & Modestiae. Igitur nunquam aliās Deorum cultus religioque sanctior erat.

*Cui simile,
nunquam speramus
semper optamus.*

*Non tam in
felicitate fuit
leges intelligere,
quàm non habere.*

*Pessima leges
cum numero
laborant.*

Templa

Templa non multâ suppellectili auroque, sed supplicijs hominum & pietate splendebant. Vitam populi non facundia ingeniumque docentium, sed exemplum similitudoque rectè viuentium instruebat. Qui de Deo seuerè, de vitijs nequaquam molliter sentiebant: vt sibi animoque suo nullius delicti gratiam faciebant, ita alijs malefacta haud facile condonabant. Non interpretando iusiurandum aut instituta pro se apta faciebant, sed obseruando se filiosque paruos ad ea accommodabant. Magna mihi copia est, memorandi maiorum exempla, aliqua ex ijs à me adolescentulo visa deprehensaq;: Fidem & pietatem, cùm strictis stantes ad aras gladijs, pro veritate & Euangelio, vitam sanguinemq; deuouerent: Preces & adorationes, cùm primores populusque, nullo rei optimæ pudore, stratis ad terram corporibus Numini persanctè supplicarent: Abstinentiam temperantiamq;, cùm matres patientiæ & duræ inediæ, tenellam adhuc ætatem assuefacerent: Expiationes & satisfactiones, cùm homicidia magnaque crimina, publicis nonnisi piaculis & pudore luerent, & quamuis leges euasissent, admissum scelus, palam facibus accensis faterentur: Austeritatem & tolerantiam, cùm dura quidem illa, verùm quòd ea

Vita & religio sancta.

*Mos is perma-
net adhuc a-
pud Equites
Melitenses.
Gromer: l. 3.*

*Manum, ma-
nu in ori admi-*

*nimus & vir-
tutibus iam
his vale dixi-
mus.*

*Hebetatur
virtus nullâ
re magis
quàm indul-
gentia.
Cum quid vio-
lari posse con-
stat, ferum
est tueri.*

*Ex eo modo
quo quisq; na-
tus est vitam
componere
debet.*

à parentibus acceperant necessaria existimando, rectè faciendi consuetudine, perinde vt vetita obseruarent, in quibus satiùs putabant altiùs niti, quàm præsumptâ desperatione quippiam deserre, quærereque & habere, alter alteri quî posset gratiam facere, ignoscere, remittere, virtutum vitiorumq; modum imponere, describere, ostendere, ex quibus quanquam non inhonestis, sed moribus maiorum & antiquæ disciplinæ alienis, non minùs iam nobis venit exitium quàm ex prauis. Quippe ex veniâ facilis est transitus ad licentiam, molliterque de vitijs sentire, propè iam est & ijs infici. Sed eæ res longiùs me traherent.

Equidem ego DOMINICE illud persuasum habeo, atq; ita apud me statuo, quæcunq; potest esse virtutis institutio, cuius singulæ partes à scriptoribus, sæpè integris libris exceptæ sunt, nihil de eâ tam abunde ab aliquo dici posse, vt illud non breuiùs tibi titulum tuum inspicienti pateat atq; in promptu sit. Nam cum in omnibus rebus quæ aguntur, ex eo modo, quo quisq; natus est, quid deceat exquirimus, tum in vitæ ratione componendâ, illud primùm omnium tenendum est, vt nobismet ipsis constare possimus, neq; ab eo quod præferimus officio recedamus, vt quod

vt quod de nomine creditur, id & in moribus sentiat. Nam cum omnis appellatio, ad declarandas res videtur imposita, abiurdum est, portare nomen alienum, atq; eo compelliari vocabulo, quod contrariarum rerum redarguatur effectu. Principem dici & varijs vitijs esse captiuum, opulentum dominumque vocari, & nihil satis habere, nullis esse animi bonis instructum, omnia alia visenda, minime se ipsum facere, id vero est, nomine tantum imponere, atq; vt nuges intus marcidæ solent, specioso fallere putamine, non dignitatem decori habere, sed ipsum illi flagitio esse. Neque enim possumus, propter honores titulosue tales eos censere, quos videmus moribus palam à suæ appellationis descivisse veritate. Nam res pulcherrimæ, non in id à Deo hominibus datæ sunt, vt cum fædis & turpibus misceantur, sed vt sociatâ inuicem concordia, cum similibus coëant habeantque consortium. Diuites pravi ac detestabiles, non magis secundum naturam contingunt, atque prodigiosa corpora & monstris similia. Perdunt enim diuitiæ in ijs vim & pulchritudinem suam, atq; vt in materiâ infelici, alibi optima sui parte, quâ prodesse solent deficiunt, alibi se in fæda membra, per impotentiam insolentiamue torquent & distrahunt.

*Princeps carē
plum vite
professus tur-
pe cum delin-
quit in vna.*

*Diuitiarum
pulchritudo
cum mentis
pulchritudine
iungenda.*

*Diuitie ma-
le cum inci-
dunt in malos.*

*Ita se habent
diuitia sicut
arma compa-
rata latroni
vel militi.*

*Vsu, bona ma-
leue sunt, di-
groscentur.*

*Quo quisque
maior hoc de-
bet esse melior*

Quæ sanè monstra generis humani permittunt fouentq; sapè Dij, vt in ijs apud nos ostendant diram speciem Tartari inferni. Cæterùm fæditas earum venit ab alienis moribus, diuitiæ hanc tantùm in se culpam habent, quòd ijs & benè & malè vti licet, sicut plurimis quoq; in vitâ alijs bonis. Igitur multùm interest in quem animum moresq; cadunt, cùm quibus in vnâ statim boni vel mali veluti speciem formamque coniunguntur. Nam sicut plurimùm cuiq; dant virium in vtramq; partem, ita in incerto iudicium relinquunt bonæ malæue sint, aut mereatur eas aliquis necné, vsque dum adeptus fuerit. Opes enim, potentia, aliaque huiusmodi quæ bona dicuntur, cùm in malos incidunt, tunc & ipsa iudicanda sunt mala, peiores enim faciunt eos quibus contingunt, & perniciosissima nocentibus moribus fiunt instrumenta. Quapropter DOMINICE, quoniam tot tantisque bonis supra ceteros mortales à Dijs auctus ornatuq; es, in ijs, vti hoc idem præstes, quòd gemma auro inclusa adinota solet, quæ mutuum illi decus dat & ab eo accipit, vti quò maior hoc melior, quò celsior eò perfectior sis, etiam atq; etiam tibi elabrandum est. Nam sicut minùs in ebore aut crystallo maculam nauumque toleramus, ita non perinde

perinde odimus vitiosos, atq; eos qui virtutem professi, eiusq; nomine inter homines eminent, nullâ tamen re vulgo præstare & antecellere videmus. Etenim quod aliquando alteri ab altero quærenti, cuiusnam rei splendor in orbe esset maximus? responsum fuit, idem tibi dictum scito, Virtutis quàm Solis lucem longè clariorem splendidiorémq; esse, quòd illa & in tenebris, & apud remotissimas gentes splendeat, neq; minùs eam oculis capti, quàm videntes noctu diuque agnoscunt celebrantq;. Iam verò qui ab ineunte ætate, habet inter homines causam celebritatis & nominis, (quòd tibi DOMINICE, & in amplis opibus, & ob maiorum tuorum præclaram memoriam contigit) in eum oculi omnium conijciuntur; quid agat, quemadmodum viuat curiosè inquiritur, eius nullum potest esse obscurum delictum factumue, quòd ei statim assunt pluri, Ai Locutij, qui nihil arcanum esse apud homines sinunt, qui cubile ipsum intimosque eius recessus recludunt, & si quâ ab eo in re trans honestatis lineam itum est, continuo famæ noscendum proponunt explicantque. Quâ in custodiâ oculisq; omnium, ita te geras oportet, vt visendum & suspiciendum te, non magis titulis & imaginibus exhibeas, sed quod longè pulcher-

rimun

*Quid sit in
mundo splen-
didissimum?*

*Observantur
cuncta facta
Principum
acribus oculis.*

*Ai Locutij
omnibus Prin-
cipibus ad-
sunt.*

*Magna inno-
centia necessi-
tas posse de-
prehendi.*

*Animus hu-
manus non
Nobilis tan-
tum Magnifi-
cus Generosus
sed etiam Di-
uinus.*

rimum est, quàm plurimis virtutibus & benè factis. Nam profectò si modò intueri te ipsum & noscere velis, non Nobile, Generosum, Magnificum, Augustum, quæq; varijs virtutum appellationibus, tibi tuique similibus in titulos conuertunt, horumq; vos compellando admonent homines, sed Coeleste quiddam & prorsus Diuinum, ex quo omnes omnium virtutes ortum ducunt, in te inesse inuenies. Id verò est animus & ratio, quam intueri, secundum quam viuere, & quam sequi, Deum ipsum sequi, eiusq; decretis parere, apud sapientissimos olim persuasum fuit. Est enim simulacrum & particula summi boni & eius qui fecit eam, quâ Deo confociati, in hoc similitudinem seruamus, quòd vltro ad honesta ferimur, & tanto munere dignum & facere & sentire delectamur, nosque ad sublimia tollimus, velut ad initia nostra. Vnde quemadmodum habitus corporum nostrorum erigitur, inq; coelum spectat, ita & animus paria Dijs vult, neq; se corpori cui impositus est subijcit, neq; sæpè ex eo metuit exire. Accepit enim illud & in hospitium & in templum atq; sacrarium suum, in quo quâ diu maneret, sacerdotio debito perfungeretur. Sacrificium verò eius longè acceptissimum est, mens pura, animus innocens, vita proba.

*Corpus Dei
est templum,
cum vitis non
concessit hospi-
tium.*

Quæ

Quæ ita vnumquenq; nostrum velut religione complent obligantque, vt si quem virtute antequam ire atq; omni carere dedecore, præcipuèq; ijs virtutibus, quibus multi non facile possunt obfistere videamus, id ipsum etiam si in nobis non fuerit, tamen in altero nos delectat, & illi amicos facit. Nihil enim est virtute formosius, nihil pulchrius, nihil præstabilius. Hinc Principes, hinc Magnates prouenire, hinc honores & cultus similes prope Dijs alijs ab alijs decreti, cum tam sanctum splendorem populus apud se honore & reuerentiâ dignum censeret. Hoc præscis temporibus vnicum erat remedium, ex humilitate & obscuritate, in lucem hominum notitiâque prodeundi, hæc via ad dignitates emergendi, cum initio natura pares esse omnes iussisset. Atque quandiu inter homines non aliud in honore quam virtus fuit, eamq; solam fortuna, potentia, gloria, & alia huiusmodi sequebantur, natura sua sponte in virtutem prona, in eius tantum studium incumberebat, ac optimus quisque honorum & diuitiarum appetens, in labore, patientiâ, ad hæc ipsa consequenda, satis habuit, alterius æmulus bonæ vitæ, quam dignitatum fieri. Postquam ista homines occæcaverunt, sicq; ijs imposuere, quasi per se ipsa expetenda, clara & magni-

*Omnis nos
virtus ad se
allicere facit,
vt eos diligamus
in quibus
ipsa inest.*

*Principes &
Magnates ex
virtute pro-
uenire.*

*Gloria virtutis
filia.*

Gloria fructum non profert, si in radice non viget etiam si se altquantum in bonorum ostentationem inclinet.

Intra nosmet ipsos virtutis sunt igniculi.

Non parua vis est rationis quod unus animal homo

fica essent, propriâ formâ & pulchritudine virtuti detractâ atq; in se translata, ad se primò quærendum neglectâ virtutis viâ illos induxêre. Mox multi mali hæc ipsa adepti, minimè aduertentes cui cohererent, & in quo radix istorum tota que vis posita esset, falso gaudio paulisper vsi, vno postea tumulto, quo corpus contexerant, se omneq; suum & ex his partum nomen concluderunt. Nam velut summo solo sparsa semina, se quidem effundunt, sed postea imitata tantum spicas, inanibus aristas spem sæpiùs fallunt: ita omnis honorum gloriæq; seges, nisi inuersis altè glebis, ab ipso virtutis gremio pullulet, in opum, potentia similitumq; ostentatione, velut in summo solo sparsa conceptaque, fufis popularis auræ flosculis inanibus, ante messem moribunda pallet, & sæpè adhuc in viuis arefcit. Est enim gloria, solida quædam res, rectè factorum comes, soli q; virtuti post fata etiam resonans, tanquam propria imago. Sic autem ego existimo, & tu sic habeto DOMINICE, fontem veræ laudis, ex quo tum ad cætera facta tua, tum ad omnes erga Deum hominesq; virtutes commendatio dimanare debet, in te imprimis esse, vt te ipsum probum & emendatissimum reddas. Nam facta laudabilia, multi etiam mali faciunt, quæ cum secunda

cunda quædam honesta sunt, aliquando illa laudari, tu ipse nisi optimus fueris, non potes. Præcipuum hoc est etiam in Deum officium, hoc ille munere capitur, hæc ei pietas, hæc lautissima placatio, hic noster cultus & veneratio gratissima est, reddere illi maiestatem, reddere bonitatem suam, existimare cuncta ipsum cernere, omnibus factis dictisq; interesse, certo ubiq; te-
ste, cui quod sæpè alteri accusati fecisse nos negamus; omnia confitemur, hoc est, menti & animo nostro, quo nihil potuit nobis dare ipse Deus diuinius. Nam quemadmodum ipse magnum opus mundumq; curæ propriæ & moderationi seposuit, circumagere rerum ordinem, certis temporibus & per vices alia adducere, suppressere alia, tot conuersiones, circulos alios aliò dirigere, atque ex his proficua & salutaria nobis fundere: ita corpori paruoq; alteri mundo, sempiternum pariter dominum & imperatorem præfecit, qui ei certos numeros, intra quos consisteret honestum rectumq; describeret, varias & dispersas affectuum rotationes ac impetus ambiret & aberratione cohiberet, caueret, ne aliud in aliud cæcâ confusione incurreret, ne quid indecorè effaminatè, tum in opinionibus & factis ne quid libidinose & extra numerum caderet,

sentit quid sit ordo, quid sit quod deceat, in factis dictisq; qui modus.

Probitatis & pietatis exordium.

Nemo inuenitur qui se conscientia sue absoluat, & innocentem se quisq; dicit respiciens testem non conscientiam.

Conscientia anime pedagus.

Pythagora monitum: Te ipsum reuerere,

*Verecundi-
vultus cha-
racter & sin-
gularis.*

*Euripides pro
versiculo ad
iudicium vo-
catus.*

*Omnia in
Principe exē-
pla sunt cre-
diturq; docere
quod agit.*

ne lingua ab animo, vtile ab honesto, ruptâ mu-
tuâ concordîâ compageque discreparet, tum si
quid abhorreret ab oculorum & aurium com-
probatione, aliud pudore comprimeret, aliud
pœnitentiâ retraheret, aliud verecundia & rubo-
re coërceret. Multis enim sæpè, quod vis ani-
mi non dedit, contulit vis pudoris, & ad mali-
tiam profligandam, non minùs spectator valuit
quàm virtus. Euripides aliquando fabulam ad-
ornaturus, versiculum illi pro ludicro inferuerat:
(Iurata lingua est, animus iniuratus est.)

Pro eo ad iudicium capitis vocatus & ad pœnam
feriò expetitus fuit: isto accusationis titulo, quòd
eo multorum malorum præceptorum auctor,
populum plus doceret, quàm tantùm peierare.
Quippe solutâ semel virtutum inter se & honesti
compage, ac velut concentu, nihil est quod
omnes ab interitu abitioneque retrahere possit.

Quòd perniciosiùs adhuc, mereri mihi de populo
videtur Princeps, qui se deteriorem facit, tamq;
multis nocet, quàm multis melior factus prodes-
se potuisset. Neq; enim tantùm mali est, (quan-
quam & hoc magnum est per se ipsum malum)
quòd vitia ipse concipit, quàm quòd multos imi-
tatores habet, qui quod vident, pro exemplo
accipiunt, creduntq; docere, quicquid ipse agit,
& glo-

& glorię partem, si omnes referant, quod in vno vident. Vt enim plāte, quas heliotropias nominamus solem sequuntur, eumq; semper spectant, etiam núbilo die nocteq; , ita quicunq; mores in summis viris & Principibus extiterunt, tales inferiorum tenuiorisq; ordinis hominū fuerunt, nec aliā re promptiūs emendari corrumpiue, quā duce & principe solo potuerunt. Efficacius enim homines exemplis docentur, quæ etiam istud boni in se habent, quòd approbant quæ præcipiunt effici posse, eaq; viā ad se trahunt, vt non coëgis se videantur. Hoc est vtile, hoc ciuile imperium. Nam velle quippiam deuium & dissolutum ad instituta legesq; reuocare, quæ corruptis moribus ludibrio esse solent, aut cū tute per molitiam libidinemq; agas, ad frugem supplicio alios cogere, id verò est, non delicta compescere, sed semetipsum eorum manifestiorem reum ostendere. Etenim quanquam seueritatem scelera merentur, nihil tamen Principem magis in delinquentes, quā lenitas decet, qui vtriusq; vices implet, quoties ita cæteris ignoscit, tanquam quotidie peccet, ita peccatis abstinet, tanquam nemini ignoscat. Nam vitia loco mouere sicut vndecunq; haud promptum, ita ex aulis magis arduum semper difficileq; fuit, vbi nihil

*Non habet
auctoritatem
sermo destitu-
tus exemplo.*

*Exasperat ho-
mines corre-
ctio blandissi-
mè iubemur
exemplo.*

*Nihil pulchri-
us, quā mul-
tarum rerum
veniam dare
nullius pete-
re.*

Aula vitia.

*In aula so-
lent homines
ab externis &
conspicuis dis-
sidere, nec ij-
esse quales
vultus prospi-
ciuntur.*

*Recoleta vul-
pes.*

*Quas artes
etiam si omnes
non laudant
nemo tamen
est qui eas
cum commo-
dum offertur
quamvis cum
iniquitatis fa-
ma omittat.*

est sui simile atq; vnus formę, vbi fraus, ambitio, iactantia, arrogantia, maleuolentia, inuidia, insolentia, multaq; in omni genere vitia diuersorum suum habere solent, & commune conuenticulum. Quid verò memorem, quę illic agi non nisi illi qui istud voluunt saxum, actum fuisse vix etiam decepti læsiq; vident? alium per summam odij dissimulationem in odium callidè procelli, alium irremeabili calumniarum errore, excitataq; dissimulanter criminatione inuolui corripiq; amicos & concordēs, iactā subdolè suspicione à se inuicem dirimi, dissidentium in morem hæc suppressi, illa in apertum apicumq; produci, alia per dubitationem odorari, alia ne aut nimium aperta cuius pateat, aut penitus dissimulata nihil impetret ambitio, specie recusantis flagrantissimè posci flagitariq; hinc sub aris, illic sub auro insinuari, ita adulari vt non sentiat, quem palpum tangit, ita dona accipi spargiq; ac si omnes abstineant & nemo non vitet, ita rogantium supplicantiumq; petita audiri dimittiq; vt æquè incerti cum officiosis inuolucris & ambagibus, ac Delphis ab Apollinis oraculis, qui venerunt discedant, huic fronte, illi à tergo, alteri à latere imponi, otiosè, cunctanter, cursim, aliud agendo, dissimulanter, obliquè, clām, propalam, serio,

serio, ioco. In ista mihi quisquam ingenium & curam promittat? quæ sapientia vix agnoscat deprehendatq; etiam si ipsa aduersum hæc excubet, vigiletque? quæ sunt potius ex eo genere malorum, quorum victoria fuga constat! Nam cætera malefacta facilius persequare quod apparent, hæc nisi ante provideas ne eueniant, vbi contagione se vulgauerint, iudicia remediaq; frustra tentes. Ea vera atq; simplex DOMINICE via est, à se ipso incipere, cum nihil labis intra vitam tuam, neque profectò intra limen tuum admittes: non habebis vitia, nec feres, quantum temetipsum ab ijs, tantum & tuos retrahes. O te fortunatum M. Cato (inquit Cicero) à quo rem improbam nemo petere audet. Qui te temperantem senserit, turpia nunquam petere audebit. Vt enim sua quenq; natura in alio delectat, cum eoq; coniungit, ita diuersitas vitæ, improbum perinde arcet abigitque, vt fæx potorem, aduersitas simulatorem. Cedet statim aulâ tuâ similtas, cedent cogitationes improbæ, libido cæca, alieno imminens auaritia, si fuerint ex tuâ parte deserta, nec homines eo modo, sed vitia lædentur. Ille, qui sibi foret in precio, quod custodit limen tuum, qui parum comiter salutatus imposuisset, dominum contemptum despectumq;, eius numen in se viola-

Satiis est prohibere maleficia, quam patrata punire.

Morum paritas & similitudo, amicitia causa.

Habent hoc potissimum insolentes Principum gratia, vt ea ad iniuriam proficiant inferiorum.

Umbra Principum, pileus stultorum.

*Argumentum maximum re-
& i malis displicere.*

violatum fuisse, perindeq; mancipia ac dominum adorari oportere, adimet hanc sibi apud te petulantiam, vbi senserit, aures tuas esse delatorib; obstructas, non moris id tui, secretò quippiam credere & palàm irasci, nihil decernere nisi priùs & reum benè noscas & crimen, sapiùsq; in vñu habere, plura dissimulare quàm vlcisci. Ille, qui alterius Principis ianuam faciebat difficilem, congressus ab eo & salutationes ad se reuocabat & transferebat, per quem Princeps audiebat, loquebatur, per quem officia & honores, imò à quo petebantur, arrogantiam suam superbiamq; dimittet, cum viderit, humanitatem tibi inesse, non tam virtutem quàm naturam, nullius te vota fatigare, nulli promisso adhibere artem difficultatis, venientem quenq; denuntiari, induci, adire, desideria sua promere, atq; sapiùs sermoni cuiusq; non tuum fastidium sed suum pudorem finem facere. Benè de ingenio suo apud te sperare desinet professor magisterq; vtilitatum & compendiorum, cum animaduernerit, nulli te manum supponere lucro, pecunià non moueri, nec maleficio aut scelere pasci, nemini aliquod officium vt eo ad quæstum abutatur permittere, capacitatem tam in ministris tuis non dissimulare, quàm in te non admittere. Sicut enim aurum

rum igni, ita homines auro explorantur. Ut non inconuenienter quidam populi in honore aut magistratu positis imagines apponere solebant, sine manibus, oculis auersis, nempe aurum ne caperent, immò ne cuperent quoque. His DOMINICE moribus quisque reuocabitur, his retinebitur in officio, ex ijs te maximus fauor hominum gloriaque sequetur. Quantò enim est difficilius alios bonos præstare quàm se, tantò futurum est laudabilius, quòd cum ipse fueris optimus, tales circa te omnes efficies, talis quoque ab omnibus iudicaberis, quales illi fuerint, cum quibus vixeris. Quamadmodum enim ex corruptis corporibus afflatuque noxio periculà trahimus, ita ex malis quibus nos commiscemus vel infamiâ apud homines laboramus, vel ipsi contactu inficimur. Laudabile vtrumque est, & cum à vitijs abes ipse, & cum ea in alijs refugisti. Proinde cum cæteris in rebus omnibus, tum in deligendis ijs quos diligas, summa tibi cura diligentiaque adhibenda est. Ama nec citò nec indignos: nam alterum plerumque sequitur poenitentia, ex altero, cum fructus, tibi nullus erit, tum & ex cæteris esse desinet, quum istud viderint. Fideliores & fauentiores eos esse existima, qui te admonent corriguntque, quàm qui semper laudant:

Aurum nec capere nec cupere.

Se ipso bonos alios reddere.

Initium morbi est agris se admiscere.

Pulcherrima vita suppellex amici.

Omnia cum amico delibera, sed de ipso prius.

dant: nam mendacium plùs ad fauorem quàm veritas inclinat, quæ hoc proprium habet, non quòd nunquam laudet, sed parcè. Vnius rei inopiâ Principes laborare scito, atque cuncta possidentibus vnum hoc deesse, qui verum dicat.

Omnibus bonis oportere plus gloriæ quàm diuitiarum esse.

Gloriam & laudem magnis diuitijs præfer, nam hæe fordidis & improbis hominibus contingunt, illam non habent nisi virtute præstantes. Extra duas felicitatis partes tertiam quam in vitâ præponas nullam esse existima, benè facere & benè audire. Futuram hominum existimationem, quæ sola, cum non erimus, hìc erit, laudi præsentì præopta. Viuis placere labora, mortuius laudari, laudanda facere, laudem non affectare: veras enim laudes mors inchoat, nec veriores vitæ testes sunt, quàm cinis & sepulchrum.

Fama mortui hominis immortale bonum.

Bona fama bonus odor.

Assuefce in terris nihil optare nisi bonam mentem, nihil desiderare, nisi bonam famam, nihil nisi turpitudinem formidare. Quò plùs alijs potes, eò in virtute quoque plùs alijs velis, deforme reputans, si quis te præcedat virtute, qui sequitur conditione. Nihil te magis possidere existima quàm benè donata, non multum datum credas, quod à te dignus accipit. Facultatibus quos non possis, comitate, & humanitate tibi adiunge, memor illius: Corpus dextrà pasci, animum vultu.

Inter turpes iacturas, indignis datum munus est.

Corpus dextrà pascitur animus vultu.

Iram

Iram à furore differre scito, temporis exiguitate, quæ cum deformis est dedecetque potentiam & maiestatem, tum in illâ nimium iam & iniquum esse solet, quicquid delectat iratum. Præsta verrecundiam ætati, virtutem familiæ, fortunæ magnificentiam. Cogita quò altior es, eò te clariùs ab omnibus conspici: quò plùs potes, eò minùs quod potes debere ostendere. Denique sic vitam institue, tanquam eam inimici videant, nihil ex eâ amici excusandum habeant. Atque hæc omnia, quanquam posita esse non in labore aliquo, sed in animi quadam inductione & voluntate videas, tamen in tot præsidijis fortunæ, maior tibi debet esse facultas, exhibendæ virtutis. Nam pleraq; in rebus humanis, ita comparata sunt, vt se ipsa perdant, & vim sæpè suam in contrarium vertant, nisi congruentium rerum sibi adstrinxerint subsidium. Optima natura & diuitiæ maximæ, plurimùm per se momenti ad virtutem habent, nisi tamen mutuâ consensione in vnum coëant, plenum ex se absolutumq; bonum vix efficere possunt. Omnem enim vim alterum ab altero accipit, quæ cum separantur, neque id, ad quod per se apta sunt satis efficiunt. Nam & natura tam firma non est, vt non perdat in virtutes vires suas, sine alterius subsidio, & à

Propè est, vt iniquè damnet, qui nimis: vt libenter, qui citò.

Magna pars peccatorum tollitur cum peccantibus testis assistit. Fortuna dat facultatem exhibende virtutis.

Virtutem natura efficit, sed adiuvat fortuna.

Quemadmodum est semen vt sit herba, ita natura vt sit virtus.

*Virtus in pau-
peritate ut
ignis vase con-
elusus altum
nequit appe-
tere.*

*Parue virtu-
tes ad maxi-
mas crescunt
& proficiunt.*

*Quemadmo-
dum supellex
ea est commo-
dissima que
expedita &
vsi apta, ita*

maximis opibus nihil sperari boni potest, cum alterius obsunt incommoda. Multi in exemplum omnis virtutis suffecturi, aduersante fortunâ, præstantiæ suæ obliti, ad praua inhonestaque deflexerunt: multi quoq; mali, fortunâ nequicquam fauente, ne bonæ quidem mentis signa prodiderunt. Quemadmodum vnâ iter facientes, alter ad alterius auget minuitque gressum, ita tantum vnum aliquod in virtute procedit, quantum alterum comensq; permiserit. Quamquam illud testandum est, ut in alijs, ita hîc quoque primas partes obtinere naturam, plûsque solam ad virtutem momenti adferre, quam maximam fortunam illâ destitutam. Plerique, qui hominibus in excelsis positis ingenium operamque impendêre, plurimum in eo curæ, quomodo se in potestatibus gererent consumpsêre. Credo, aduertentes, vim ad malè faciendum fortunæ maximam esse, & obnoxij licet simus omnes delictis, eò tamen magis fortuna suis vitijs reliqua, quod præter delinquentem, nemo alius finem ijs statuit aut moderatur, exsuperat. Quæ sanè doctrina non cuicunque promiscua, sed maximis tantum viris & principibus composita, sicut commendauit extulitque scriptores, ita in vnâ hanc partem elaborata, tantundem præstitit,

stitit, quantum pictorum operæ solent, quæ cum tantum reddunt, & ea quæ à summis corporibus videmus effluere. Nam optima facile cernuntur suo lumine, quæ illa producant procreantque, ut parua ita sæpè occulta sunt, latentque; sicut ædificiorum fundamenta, fastigia spectantur. Igitur inter diligentiam eorum, qui in sublimi elati, summam quasi manum virtuti imponere conati fuerunt, & qui professionis promissi que memores, quo se magistros eius fore polliciti sunt, minora quidem, sed per quæ ad maxima fit transitus tradiderunt, tantum interesse putavi, quantum inter virtutis exemplar & eius præcepta. His locus apud quemcunque est, illud tum paucis est commune, tum scribentium sæpè exquisitis laboribus, citra imitatore, sine exemplo fluit dilabiturque. Nam perinde virtutis atque aliarum rerum profectui, quæ magna & ardua visa sunt obfuerunt, parua ut difficultate non laborant, ita singula ad virtutem adeo ex se fertilia sunt, ut non sentientibus nobis insidant, rectaque nos in altum & ad maxima ferant. Quapropter multi, ad ea quæ tradi longo magisterio solent, sua sponte sine institutione perueniunt, & honesta amplexi sunt, cum vix audierunt. Natura enim ipsa nos ad optima genuit, quæ hunc

doctrina illa optima, quæ citò in animo reponitur.

Præcepta virtutis magna, quæ institutione homines cœdunt & obligant.

In ingenio hominum quæcumque admodum in agris multa proueniunt & sponte nascuntur, quamuis non feruntur nec elaborantur.

quoque in peſſima abductis virtutis ſenſum reuerentiamque indidit, quod nemo quiſquam tam malus eſt, vt videri velit. Quam profeſſo etiam ob cauſam nonnulli ſcriptorum, rationem rectæ honeſtæque vitæ, per monita & præcepta traderunt, ſatis proſici ſolâ commemoratione, exigique non doceri eam oportere arbitrati. Quamuis enim in tam vaſtâ & latiffimè ſeſe extendente materiâ, difficilius fuit eligere quæ præcipias, quàm cum elegeris præcipere, ſumpſit tamen in maxima impetum, quiſquis paucis non repugnauit. Quemadmodum vnum eſt militiæ vinculû, ſignorum amor & deſerendi nefas, ducere ſoſam, ferre onus, cæteraque; facilè deinde exiguntur mandanturque ſacramento adactis: ita quiſquis paucis virtutibus manum dedit aſſenſitque, facilè alijs obſequitur, & ſibi ipſe imperat, etiamſi in præſcripto non fuerint. Atque ego DOMINICE, niſi magna omnia & propè infinita, à te expectari exigique in animis hominum fatear, valdè quàm adhuc tuam ſortem & conditionem ad omnem laudem & gloriam editam non intelligam. Eſt tamen in eâ re minùs mihi faciendum quàm tibi. Nam verba nulli virtutem addunt, quanta cuique indoles, & quò generoſior celſiorque animus adeſt, hoc magis ſuâ ſponte aſſurgit,

*In virtutum
recenſione ma-
gis modus ad-
hibendus quàm
copia querenda.*

*Vbi una vir-
tus, ibi omnes
adſunt.*

*Immenſum
gloria calcar
habet.*

*Virtus opti-
mos citat.*

git, sæpè ex paruo & scintillâ ignem suum explicat, nec ad singula monitorem desiderat, doctus ex se in totum. Tùm quòd ea diligentia conuenire magis videtur eorum instituto, qui de honesto per omnem vitam, nil aliud quàm disputant. Tibi qui maximis rebus destinatus es, statim promouenda, non per otium venit disputanda virtus. Quanquam quot Maiores, tot duces, tot magistros habes, qui te velut assiduus edictis obligant, qui tanquam creditores laudis & virtutis suæ, noctu quoq; & in sômnis te ad gloriam excitant commonentq;ue, qui importuni sed honesti flagitatores, id tecum, quod Antigonus Rex cùm Demetrio filio, cùm eum ad liberandam seruitute Græciam mitteret, non hortatione modò sed etiam precibus agunt, Virum te præsta & strenuum, ô fili, gloriâ enim & fama rerum gestarum, ex hâc speculâ tanquam ignis, quòquo terrarum pertingit emicatq; , nihil ex hâc domo ex mortuis moriturum vides. De quorum interea virtutibus, quòd olim de Carthagine effatus Sallustius, tacere satiùs existimo, quàm pauca dicere. Alius exemplum non habet, nisi quod ipse sibi fecerit, tu natus in illustri familiâ, ad virtutem maiorum adiuuaris exemplo. Cæsar cùm Alexandri Magni sepulchrum inuississet, ab illo ita discessit,

vt iam

*In opere esse
longè est pul-
cherrimum.*

*Exhortatio
Antigoni ad
Demetrium
filium.*

*Multum ad
virtutem con-
fert exempli
& imitatio.*

*Rapitur ad si-
militudinem
suorum excel-
lens natura.*

*Pro sapia Du-
cum in Ostrog
& Zastaw.*

ut iam tum, quæ postea gessit, animo conciperet. Alexandrum tanquam admotis stimulis, patris gloria impulit ad decus, famam, & immortalitatem comparandam. Minori Africano maior, maiori pater patruusq; exempla domestica præbuere. In tuâ quoq; domo nesciuit hætenus nasci aliquid mediocre, quot editi, tot probati, tot clari & magni in republica estis, summæque dignitates & virtutes, velut in digno habitaculo, lares suos in vestrâ posuere familiâ. Seruabunt te quoque, speramus & confidimus, D V C V M S A N G V I S, Magnorum Heroum laudata proles, Dij cæliq; ipsi, ad eam ætatem, donec similia expleas exhibeasque, ducent per excelsa animum quem dederunt, donec superes vincasq; BAS ILII Ducis magnificentiam, G E O R G I I ardorem, vtriusq; IOANNIS fortitudinem, CONSTANTINI fortunam, C O S M I magnanimitatem, H E L I Æ fidē & iustitiam, IANVS S II probitatem, PATRIS tui prudentiam & religionem, A V I alterius grauitatem, alterius generositatem & splendorem, P R O A V I audaciam, omniumq; humanitatem & liberalitatem, omniumq; excelsum animum. Post quos maiora etiã de te cōcipimus qui seque-
ris, quoniã diligentior solet esse imitator prioris. Mihi omnia adhortamenta, hâc vnâ tantum
ratione

ratione complecti & consummare sufficiat; sperando de te magnificentius quàm apud te disserendo. Vt hoc quoque maiorem tuæ gloriæ locum relictum intelligas, quò pauciora minoraq; à nobis, plura melioraq; per te didiceris, factaq; tua hinc tantum acceperint rudimentum, à te ipso incrementum. Verum enimverò DOMINICE, quæcunq; illa ab istâ altitudine animi, & indole tuâ aliquando in lucem proditura sunt, nisi ea magnis in Rempublicam meritis cumulæ augeasq; vide ne plus ex ijs habiturus sis admirationis quàm gloriæ. Quicquid feceris, quamlibet amplum & magnificum, paruum existima, cùm eo est adhuc aliquid maius & amplius. Nam sæpè ego cum animo meo reputando, quibus rebus clarissimi viri magnitudinem inuenissent, quibusuè factis nomen & gloriâ suam extulissent, sic reperi, eos, qui patriam seruauissent, auxissent, adiuuissentuè, memoriam sui quàm maximè longam sempiternamq; fecisse. Itaq; viri adhuc illi, armati se in horribiles terræ specus immittentes, muri loco corpus tantum scutumq; suum, obfirmato in statione gradu, donec pons à tergo rescinderetur, hostibus irruentibus obijcientes, sibi ipsis irati manus suas, velut reas & desertrices deceptricesq;

K

in arden-

Omnes omnium charitates, patriæ complexa est, pro quâ quis bonus dubitet mortem oppetere si ei sit profuturus?

Tulit qualibet patria amatores suos, Roma Brutum, Mutium Curium, Decios, Fabios, Cornelios, Arbenam, Cædram,

O Themistoclem; Lacedaemon, Leonidam, Thebam, Epaminondam; Carthago, Philenos fratres.

O fortunata mors quæ naturæ debita potissimum patriæ est red-dita.

in arduentes rogos flammâsque ad supplicium immittentes, pro liberis filiisque suis ante tribunal, ante oculos suos, virgis primò, deinde securi cæsis, patriam libertatèq; adoptantes, celebrâtur quotidie, non suis modo sed penè omnium gentium literis & linguis, neq; vlla vnquam ætas de ipsorum laudibus conticescet. Nostrâ quoque memoriâ, quoties magna alicuius & nobilis in republicâ virtus enituit, quod studium, quam celebritatem sermonis hominum non habuit? ut pro talium salute, Deos obsecrare non desisteremus, ut valere eos paterentur, si non regnum hoc & populum perosi essent, à quorum morte maesti atratiq; non minùs sæpè doluimus, ac si vno funere cum ijs, salus nostra & Poloni nominis splendor dignitasque efferretur. Quicquid enim magno excelsòq; animo pro patriâ geritur, id nescio quomodo, pleniori ore ab hominibus laudatur. Etenim sic censeo, quotiescunq; egregios viros bona libido ceperat, laborare, vigilare, reipublicæ animum intendere, sua negligere, nihil denegare, ultro pro patriâ pericula deponere, non se, non uxores, non paruos liberos miserari, quin cum id commodum patriæ cerneant, mortem pro eâ oppeterent, non potuissent reipublicæ contingere maiorem virtutem, quàm eam,

cam,, quæ ipsos vt maximi in eâ essent fecit, non excellentiorem animum, quàm eum, qui vitæ contemptor, corporis sui pro eâ prodigus fuit, non opulentiorem fortunam, quàm quæ tales ciues edidit, qui pro opibus semetipsos patriæ deberent dederentque. Quos quidem tot pro eâ interfectos concisosque, illud ante oculos semper habuisse arbitror, breuem esse vitæ cursum, sempiternum gloriæ, cumq; illis iure naturæ patriâ simulque vitâ aliquando decedendum esset, fatiùs putasse, mortem, antequam natura indixisset, necessitati alterius concedere, antequam fors eam obtrusisset virtute antecapere, ac ne sibi ipsis tantùm morentur, omnibus mori, spiritumq; ei reponere, quæ ipsum dedisset. Nam cum inter fati beneficia à sapientibus reputetur suâ in terrâ, tantò feliciùs putabant pro suâ terrâ mori, nempe in cuius salute & integritate repositam haberent ipsi famam & gloriam, alij ingentia comoda, vtilitatem mercator, gloriam milles, operas suas agricolæ, ceremonias religiosi, nuptias puellæ, pudicitiam matronæ, gaudium & securitatem omnes. Hæc igitur tibi DOMINICE reliqua pars est, hic restat actus, in hoc elaborandum est, vt te excites attollasque, magnis in Republicam meritis. Hanc Maiores parentescq; tui,

*Brevis vitæ
cursus est, sem-
piternus glo-
riæ.*

*Timere aduer-
sa consentane-
um est naturæ:
sed contrari-
um virtuti.*

*Spartam in-
qua natus es
orna.*

sanctissimi, fortissimi, illustrissimiq; viri, virtute, consilijs, rebus gestis, vitâ & sanguine suo fundatam per manus tibi tradidêre, in eâ patriam, maximam in terris domum, familiam in patriâ clarissimam, virtutis, dignitatis, honorum, gloriæ & famæ tuæ, certam sedem & stabile domicilium, præterea bonas artes, inclytas diuitias, iura, leges, non minori sapientiâ ac labore conditas constitutasq;, atq; cum pertulêre, cum ex paruis opibus, tantum nobis regnum imperiumq; peperêre. Si is status rerum eaque conditio esset, vt vnus dominatu & libidine tenerentur omnia, nec ad quenquam præterea mortalium, præclari facinoris aut artis bonæ merces gloriaq; perueniret, tolerabilius videretur, semet inde subducere, quàm nihil profuturis, aut multum etiam periculosis consilijs factisq; innotescere. Cum alia reipublicæ conditio est, atque in ea progressio admirabilis, incredibilisq; cursus ad omnem excellentiam relictus est, eam deferere aut curâ eius fatigari, socordiæ ignauiaq; duco. Quid enim à maioribus nostris, per ea, quæ rectè & sapienter condidêre quæsitum est, quàm ne cuiusquam virtus, aut apud ciues notitiâ careret, aut apud regnantes præmio & gratiâ.

Excursus ad Quæ quidem singula cum reuoluo, quæ leges, quæ insti-

*In reipublica
Polona cuiq;
ocasio est ma-
gna ad se pro-
ferendum.*

Princeps Polonus.

instituta, quæ ab ijs reipublicæ designatio, quæ temperatio facta est, quomodo eam domi militiæq; habuerint, non me contineo, quin si modò aliquid præsentibus moribus prodesse possint, ea carptim breuiterq; percurram.

Iam primùm satis constat, maiores nostros in reipublicâ maximam curam libertatis habuisse. Ita persuasos, rempublicam sine câ, cadauer quoddam & membra sine anima esse, in quâ nec viuunt ciues, cùm munus suum non obeunt geruntq; nec obeunt geruntque, cùm iuris sui non sunt, nec libertatis vt debent vsum fructumque habent. Libertas verò duabus rebus ab ijs firmata est, Regum electione & Ciuium æqualitate: vt & alia in aliam valeret potestas, quæ suam transcenderet, & qui inter ciues excelluisset, nihilominus æqualis alijs & par esset, honoresq; & dignitates cùm contingerent aliena, curas tantùm ex ijs & molestias propria esse putaret. Reges nulli stirpi aut familiæ debiti, sed qui optimi, sæpius ab ijs exteri affectati. Non ex domesticâ vi-
rorum inopiâ, sed quòd periculosior fiat eminentia, iuxtà familiarum necessitudines & libertatem. Non nemini, sed non nisi strenuo parere voluerunt, ne quod alibi nomen, non regni sed regis vitijs repudiatum est, illud hîc aliqua ne-

75.

*reipublicæ Po-
lona ordinati-
onem.*

*Prima in re-
publica Polo-
na cura liber-
tatis.*

*Libertas duo-
bus nititur.
Æqualitate
ciuium, Re-
gum electio-
ne.*

*Reges tutius
exteri accipi-
untur.*

Succesores illis qui pro regno tanquam pro premio contendunt.

Regibus non infinita aut libera in ciues potestas.

Parent suis regibus Poloni non coacti

cessitas possideret aut cognatio. Certissima filijs hæreditas, secura possessio, tutæ spes opesq; essent, in ea succedere, quæ iam patrem dignum maximis fecerunt merita & virtutem. Quandiu hæc in regiâ pro necessitate fuissent, tandiu Reges intentè & anxie agere, liberos suos magnâ curâ habere, gloriam, virtutem, fortia facta in spem nascentium assignare, filios vicissim seque patribusq; digna facere, laborare, conspici cum aliquid auderent, ciues noscere, nosci à ciuibus velle, minimeq; inolescere posse existimabant. Quos fas non fuit cogere, solitudine abundè habebant in recto & honesto continere. Hanc ab ijs vicissitudinem exigentes, vt eos diligerent supra omnia, in quibus habere viderentur vniuersa. Nemo ciuium ad obsequium libidine regentis traheretur, & pari huic pæna, sed vna omnibus causa parèdi esset, bonus Princeps, quem quòd omnes pro se, hoc quoq; supra se esse libenter expeterent. Imperium vni legitimum permittebant, vim imperij & licentiam arcebant. Non regem in imperio, sed leges in rege timeri volebant. Tandiu sincera omnia & felicia in regno fore credentes, quamdiu alterutrum in regno non inualuisset timere aut timeri. Securi de se, securi de alijs, idem maiestati Regum, quod Deo

conue-

conuenire arbitrati, ut Rex esset, quod ille in homines, beneficus, iustus, nec nisi in bona populi & honesta potens: ciues vicissim in Regem, quod homines in Deum, parentes obsequentesque, non necessitate & coactu, sed virtutum eius ac bonitatis reuerentiâ & amore. Et ciues ciuibus, & reges legibus exæquabant. Vni in omnibus fortunam, omnibus in vno gloriam collocabant. quæ cum hoc ipso alicui, quod supra omnes constitit, summa iam maximaque est, rum vnâ adhuc ratione, virtute nempe & bonis factis subditorum crescit. Nam ut in mille operariorum manibus domum cum fabricant, præcipua ædificij causa est, architecti ratio dimensi-
o- que: ita in pulcherrimis factis, ciuium pleraque solent manibus & labore, regentium ductu & consilio geri. Hoc excelsum, Deoque compar-
munus Regum putauere, ex alto & sublimi singula despicere, velut in custodiâ oculos & mentem aduertere, ubi esset certa serenitas, ubi dubia tempestas, qui iustitiam suam iudices æmularentur redderentque, qui fortitudinis & virtutis suæ gloriam Duces retinerent augerentque circumspicere, perlustrare ne quid vquam subsultaret non suo loco positum, excutere omnia, quantum in vno quoque esset industriæ, tantum ei existi-

sed virtutis reuerentiâ & amore.

Reges defendere, tueri, sua fortia facili gloria corum assignare, præcipuum sacramentum est.

Reges velut in custodia publica ad cuiusque merita & opera attendunt.

*Penes Reges
præmiorum
& honorum
est arbitrium,*

*Proprium Re-
gum munus
præmia distri-
buere.*

*Civium pro-
prium pro ijs
contendere.*

*Opera vel
Ingenio.*

ei existimationis committere. Nam in similibus delictis, rubor & dedecus fit proprium, etiamsi fiat error scelusve alienum. Sibi rempublicam & virtutem, Regibus in se præmia & honores relinquebant. His, prout merita alicuius, prout fortia facta in bellis, prout facundia aut consilium, industria vigorque placuit, mandare officia, conferre magistratus, honores, prouincias, alios expeditionibus, bellis, legationibus, alios alio munere ornare permissum. Proprium id munus Regum esse arbitrati, præmia distribuere, ut neque beneficia in promeritos, à loco viderentur venire communi, & vicissim redderet virtus alteri honorem, quæ dignis dando, se eadem via comprobatur peruenisse ad suum. Igitur tunc inter ciues ingens æmulatio erat. Nihil magis profuit candidato ad assequendos sequentes honores, quàm optimè peracti priores. Nemo ingenium negotio, nemo rebus asperis operam suam subtrahebat. Quisque reipublicæ auxilio esse, alij laborem pro eâ pericula deposcere, patriam armis corporibus protegere, alij quibus facundia & ingenium suppetebat, eandem sapientiâ iuuare, quæ vspiam egregia adducere, magnâ mediocriq; industriâ, quæ vtilia videbantur suadere, neq; alius alium magis, quàm se ipsum respicere, atq;

re atq; ita quisq; à Rege sperare honores, si priùs in republicâ meruisset. Nam maiores nostri, etiam si dignitatem ordinum diuississent, libertatem tamen in comuni posuerunt. Liberam reliquere pauperi & potenti sententiam, parem vnicuiq; nobili in republicâ iudicij sui copiam. Neminem in consilio publico spectatorem tantum fieri, neminem opibus & familijs distingui excludique volebant, sed ita versari in republicâ, vt sciret quisq; rempublicam esse, à quâ nec consilium suum nec operam subtraheret. In multitudine & præsidij plùs & vsum ampliorem fore putabant. Distinctione ordinum varia & multa ingenia respexere, ne posset in republicâ, quod quisq; conciperet, sed sapientia Senatus, cupiditati & licentiæ moderaretur, imponeretq; quod est in multitudine difficillimum, libertati modum. Nam vbi impar prudentia, par omnium ius est, mixtis omnibus, & moderatore carentibus, nihil tam consuevit esse confusum & inæquale, quàm ipsa ciuium æqualitas. Quemadmodum fornicatio caderet, nisi in ipsâ lapides alij alijs obstarent: ita respublica propè solâ repugnantium sibi ordinum commissione sustinetur. Igitur libertas omnibus, auctoritas bonis data est. qui quòd vnus beneficio ad honores

L

perueni-

*Nobilibus re
non verbo da-
ta est libertas*

*Copia data
sententiæ &
pauperi &
danti,*

*Ita tamen
data vt pre-
clarissimis ad-
diceretur &
auctoritati
Senatus cede-
ret.*

*Inde nata di-
stinctio ordi-
num.*

*Respublica re-
pugnantium
sibi ordinum*

*commissio
sustinentur.*

*Senatorum
ordo.*

*Ratio consul-
tandi.*

*Prima Ponti-
ficum senten-
tia.*

*Quod mini-
mè ij sint ob-
noxij studiis
priuatis.*

peruenirent, priuatae vtrinque gratiae speique iure-
iurando obuiam itum est: quo in accepto reipu-
blica magis obligati, & aduersus ciues fides eo-
rum incorrupta esset, & cum res posceret, ad-
uersus regnantes libertas excusata. Dignum re-
ferri, quod non tempore, non cõoptatione no-
uissimã, alterum post alterum velut coniuncto
orbe sequi, ordinem seruare, alteriue adhære-
re voluere, sed prout alicui excellens meri-
tum, magna sapientia, illustres domi militiaeque
artes fuissent, præire, & recens ascitum, gradu lo-
coque, quem Rex tribuisset in Senatu eminere.
Prima à Pontificum sententiã, tanquam ad uerti-
cem summamque rerum positorum procedit cen-
sendi auctoritas. Non tantum ob reuerentiam
coelestium, sed quod in consortio dignitatis, Vir-
tutis tamen antiquius esse debeat collegiũ, quàm
Honoris. Ex ijs multa sibi polliciti, & quia nul-
lis exactior præstanda esset virtutis disciplina,
quàm ijs, qui eam exigunt & omnibus inculcant,
nec fidem eorum integritatemque spe aut ambitio-
ne à vero dimoueri posse credentes, qui pro do-
mo, pro familiã, pro posteris coelum sibi elegis-
sent, sacrisque sponfalibus Deo pacti, ea procura-
re, quorum nihil ad hæredes transire posset.
Nam omnia regna, ciuitates, nationes, usque cõ-
prospe-

prosperum imperium habuere, donec apud ciues æquitas, animus in consulendo liber, neque delicto, neq; libidini obnoxius fuit. Vbicunq; ista gratiâ respectuue aliquo defluerunt, post paulò imminutas opes, ademptam libertatem, seruitutemq; impositam fuisse legimus. Præ sunt tamen audiunturque auctoritate suadendi magis non iubendi potestate. Tanta hæc singularis in Senatu est, quantam in publicis deliberationibus & disquisitionibus vnicuique proprium parare potest ingenium & sapientia. Et profectò hæc vera & maxima potestas est, regere habenas animorum, & cum temporum hominumque inconstantia non eadem ferat, retinere ab errore & falsis opinionibus ciues, libidini & factionibus obsistere, quid quamq; rem in aliquo negotio sequi debeat ostendere, pacem & concordiam inter ciues stabilire. Nam in multitudine plùs motuum turbulentorum, & iactationis animorum, quàm rationis & constantiæ viget, sapiùsq; alter alteri tantùm adstrepit, & permixtus omnibus clamore tuetur, quod postea tacentibus alijs deserit: patescet si cuius à turbâ separetur consilium, quod turbâ tegeretur. Itaque sicut multùm reipublicæ interfuit, habere principes consiliorum, quibus prouisa essent &

Senatoris in verbo debet esse veritas, in consilio fides, in commisso silentium, in oratione suauitas.

Omni enim populo inest malignum, quiddam & querulum, & turbulentum.

In consilio dando reipublicæ caput est nosse reipublicam

considerata omnia, cognita religiones, auspicia, potestates magistratuum, leges, consuetudines, exempla maiorum, quantum respublica haberet militum, quid valeret arario, quos haberet socios, quos amicos, quos stipendiarios, quàm quisq; esset lege, conditione, fœdere, ita non minus quoq; ciuium interfuit, habere copiam diuersissimarum sententiarum, ex quibus instruere ingenia, errorem dubitationemq; suam tegere potuissent, & inter paucos eligere, quod esset postea omnibus sequendum. In hoc non tabella calculusue, sed vox & manifesta suffragia placuere. Diceret quisq; quod sentiret, palàm & in luce omnium, non minore quoq; omnium plausu, quàm solitudine propriâ, vbi nullum benè malèue dictum dissimularetur, vbi tot pariter & æquè strenui libertatis custodes curiam coarctarent, vbi tribus, & prouinciâ, & municipiorû legationes, ex varijs Poloniæ partib; collectæ assisterent, & sua quisque interesse existimaret, quid aliud de se decerneret. Quid verò in libertate aut maius, aut aduersus libidinem & impotentiam, comparari potuit potentius? id tantum ratum firmumq; manere, in quod vniuersi consensissent? id ius esse, quod omnes esse iussissent? in iussu omnium, nihil sancitum esset, quod

*Ex aperto
consuluntur
omnia pa-
lamq; suffra-
gia feruntur.*

*Ius id est
quod populus
iussisset.*

quod omnes teneret? tollere, dimittere, rescin-
dere concilia? intercessionem vnus maximum
comitiatum dirimere? Nempe illud firmissimū
longè inperiū esse, quo obediētes gaudent arbi-
trabantur. Nihil separatum ab omnibus, nihil
à nobilitate clausum esse permittebant. ipsam
Regibus adesse, ad subita consiliorum Senatores
aulæ addere, vestigalia, expeditiones, bella, in-
ducias, fœdera, leges, vnâ ferre, tollere, anti-
quare, scireque quomodo regerentur volebant.
Hac erat apud maiores nostros vna via, hic ad
laudem, dignitatem, & honorem vnus aditus,
iura publica, priuata, antiqua, recentia, edicto-
rum interpretationes, in mores recepta posside-
re, dicta sapienter, fortiter facta, excogitata pru-
denter tenere, recentia cum vetustis, domestica
cum exteris componere. Neminem libertas
rudem & imperitum habebat, nemini assidua re-
rum agitatio, ignorationem vel obliuionem in-
ducebat. Adolescentuli à maioribus nati, filij à
parentibus, aut pro ijs à maximis quibusq; & ve-
tustissimis discabant, quæ potestas referentibus,
quæ vis magistratibus, quæ cæteris libertas, vbi
cedendum, vbi resistendum, quis iubendi, quis
exequendi modus esset, cunctaque non magis à
magistris, quàm ab exemplis percipiebant, &

*Senatores Re-
gibus additi
ad subita con-
sistorum.*

*Nulli clausa
vix respublica
ita ad hono-
res in eâ con-
sequēdos via.*

*Vsus, omnium
magistrorum
præcepta su-
perat.*

*Transitus ad
aliam partem
reipublice vi-
delicet Mili-
tiam.*

*Nunc nihil in
bello frequen-
tius doli.*

*Contra vim
sine vi quip-
piam aggredi
turpe puta-
bant.*

*Non ex omni
occasione qua-
rebant trium-
phum.*

publici consilij ante spectatores & discipuli ,
quàm consortes siebant. Operæ pretium quoq;
est, postquam ea, quæ libertatis stabiliendæ cau-
sâ, maiores nostri, sapientissimi viri, constituere
attulimus, eorum quoq; militiam recognoscere.
Nunc nisi Imperator consilium suum occulue-
rit, id cauerit, ne palàm fiat, quod neminem
scire voluerit, nisi aliud quiduis omnibus impo-
suerit, quàm agendo egerit, vix cum laude præ-
esse potest. Nemo enim in crebro iam vsu doli
mali, non necessarium eum iudicat, ad rerum
cùm ciuiliū, tùm bellicarum administratio-
nem. Maiores nostri adeò ab his artibus abhor-
ruere, vt neq; in hostes, honestas esse ducerent.
Cùm deciperentur, gaudebant quòd ipsi non
decipiebant, imbecillitatem virium ex animi
imbecillitate, ad fraudem declinantis colligen-
tes. Multùm nostris temporibus dissimiles, qui-
bus id inprimis gloriæ ducitur, expugnare prius
aliquid, quàm oppugnare, vincere prius quàm
cum hoste manus conferere, de fame, & egestate
ipsius non virtute triumphare. Vt bella palàm
nec temerè, ita intrà iuris & fidei modum gere-
bant, non ius cuiusquam armis attendendo, non
veteres turbando fines, non robur & vires suas, ad
immanitatem in bella, sed ad bella pro pace con-
feren-

ferentes. Tàm sponſiones, quàm fœdera ſancta habebant, iuxta diuinâ religionem fidem humanam colebant, credentes eſſe aliquid & in hoſtẽ nefas. Arma ſumebant, non tàm aduerſum ipſũ quàm pro patriâ, nec Ducẽ ſequebantur ſed cauſam. Igitur diu illis, amor tantũ patrię propriâq; gloria pro ſtipendio fuit. Non extremũ aut mercenarium militem in uſu habebant, non ipſi mercede militabant. Sic ſe quiſq; ſuis armis, ſuis virib; ſuâ impenſâ hoſtem à ceruicibus arcere, periculum pro patriâ depoſcere, ipſam tueri, defendere, corpus animamq; ſuam illi gratis impendere, non are elocare properabat. Alia ab alijs, animos qui domi ſuperabant à nemine commodabant. Vitam, nemo poſt dignitatem, pecuniam & diuitias ante laudem amabat. Sicut in hoſtem, ita in mortem inuietum animum habebant. Hoſtem hoſtiumque vim ac robur, non tàm armis quàm contemptu mortis frangebant, pro aggeribus ſi fortuna virtutem deſtituiſſet, truncos illi corporum & cadauera obijcientes, animam & ſanguinem ſuum non ſtationem hoſti concedentes, neq; vrbes aliquas ſed ſepulchra relinquentes. Ita q; poſitis etiam armis ſecuri agitauẽre, nullis ſepti muris, nullis propugnaculis mænibusq; clauſi, naturali quoq; præſidio deſtituti,

*Præſidio bel-
licæ virtutis
pacem habe-
bant,*

*Jus & fœde-
ra ſeruabāt.*

*Pugnandi ra-
tio.*

*Sine mercede
mercenariorũ
milite.*

Deuotio.

*Laudis ſtudi-
um.*

*Mortis con-
temptus.*

*In pagis ha-
bitant.*

*Spartanus a-
mico muros o-
stendenti: si
hoc seminis
vestris extru-
xistu rectè, si
viristurpiter.*

*Limites &
confinia.*

*Cum Scyrbis
de iis certa-
mina.*

*Vasta deserta
vulgò
Dzikie polà.*

*Ultra quin-
quaginta mil-
lia iam occu-
pata & habi-
tata.*

destituti, ex patentibus pagis villisq̃ue, hostes so-
lâ formidine arcebant. Nihil enim tam insu-
perabili vallo ingenium naturâque præciussit,
quod non penetret audacia, cui aliqua conandi
spes relinquitur: ille est inexpugnabilis murus,
quem semel extruit fama virtuti, & ignavia secu-
ritasne aliquem non aperit ad eum accessum.
In fide, audaciâ, robore, sua mænia habebant, in-
tra muros & vrbes delitescere fugæ perquam si-
millimum putabant. Confinijs barbarorum &
indomitum populorum cincti, eoq̃; causis bel-
liq̃ue nunquam inuicem deficientibus, regnum
non per obsequium sed prælijs & periclitando
amplissimis spatijs diduxere. Alias gentes certis à
se terminis, quâ ad Scythas pertingebant, quòd
mitigari à consuetâ feritate non poterant, se
ipso ab ijs nullo certo limite vt sibi sufficeret,
continuere. Manent documento inter ripas
Borysthenis Tyræq̃; procul diruti pagi & oppida,
& longè latèq̃ue refugientes cum hominibus vr-
bes, nec aliud, quàm sine fine solitudo & deser-
ta vsq̃ue ad mare vasta. Magnitudinem ac velut
molem eorum metiri vel inde licet, quòd quan-
quam nuper priuatâ audentiâ, progressi ultra
quingenta millia passuum, occupauimus an-
teps & dubium solum, adhuc tamen effusi in im-
mensum

mensum campi sunt, quos terminare oculis
haud queas, vasto magnitudinis spatio, & pari so-
litudinis horrore. Non vestigium hominum,
non via in ijs reperitur, sed pabula pelagi instar,
sub vacuo cœlo sic luxurie progredientes sor-
bentia operientiaq; , vt æquor fluctibus, in qui-
bus viam, perinde cœlum ac sidera , vt in mari
regunt. Illic primùm miles futurus æstimaba-
tur, illic experientia iuuentutis, illic cos acuen-
dæ virtuti Polonæ erat. Speculatum hostes in
deserta ire , parantes irruptionem præsentire
prædicereque , perpetuò sub diuo degere, eo-
dem tempore inopiam & laborem tolerare ,
vbi dies defecisset, ibi noctem hære, arma
equumq; nunquam manu emittere, oculos in so-
mnum non conuiuere, ad quemcunq; sonitum
aures oculosq; circumuerrere, ne vbi fraus ho-
stilis oportunum se habeat cauere, cautè ince-
dere, cautè insistere, insidias tendere, ex ijs ho-
stem elicere, obuium concitumq; in se non expa-
uescere, vbi periculum cepit ibi virtutem osten-
dere, vi, simulatione, insidijs, resistere, auertere,
conficere, denique toto se hosti defendere cam-
po. Quanta cuiusq; animo audacia inerat, tan-
ta illic patebat. Non amicus aliquem tegebat,
si quem manus propriæ non texissent, non pe-
des tu-

*adhuc rames
deserta sine
sine hominum
cultu, sine
vestigio.*

*Palæstra illic
virtutis mili-
taris.*

*In præsen-
tendis Tarta-
rorum incur-
sionibus &
nunc illic ex-
cubia.*

*Periculum pe-
riculi vinci-
tur.*

Honores & dignitates pro ratione virtutis.

Propterea bella & suscipere foris & administrare constanter, & debellare feliciter conungebat.

Artes,

Venatio,

Firmitas corporis.

Tolerantia.

des tutati, si arma non potuissent. Necessitas in loco, spes in virtute, salus in victoria erat. Sub hac æmulatione maiores nostri vt muro, vt vallo tecti hilares & securi agebant. Hæc habebant domestica & familiaria castra, quæ à iuuentute instar penatium diligebantur, prompta & honoribus, pro quibus illic enitendum & elaborandum cuicumq; ciuium fuit, & necessitati, in quibus velut in procinctu pro patriâ auxilium, & paratus iam miles in ipso periculo erat. Quicquid aliquando in vsum venire poterat, in illis perdiscebant, imperare agendo, duces agere sequendo, nihil facere prius quàm noscere, vt nihil discendum esset, tempore aliquando docendi. Iurgia, discordias, iras, simultates, cum hostibus exercebant, ipsi inter se de virtute certabant. Artes, sicut nullas, quæ viriles animos effæminare putarentur amabant, ita nisi eas quibus ad prælia & aciem proficere poterant admittebant. Venationibus ad simulachra bellorum cienda, ad corporis firmitatem comparandam, ad tuendam prosperam valetudinem sese exercebant, efferatissimas bestias cubilibus suis excutere, cum fugacibus cursu, cum audacibus robore, cum callidis astu certare, subsistere, laceessere, conficere. Sic & latum operibus corpus, & crescentia

scientia laboribus membra seruabant. Famem à labore, non à coquo voluptatem petebant. Niues, pruinas, cœli ventorumq; rabiem, non tam integumentis, quàm inuictâ animi tolerantia arcebant. Duritiem, laborem, atq; alia, quæ ignaui misérias vocant, illi pro voluptate habebant. Arcum scienter tendere, fortiter implere, ex destinato sagittam mittere, oculo manuq; ad ictum consentire, militarem hastam quaterere, in altum emissam, manu iterum colligere, vibrare, plagam prudenter vitare, audactè inferre, astu auertere, ad infestum mucronem sese submittere, pro re, pro loco, pro tempore, punctim, casim, cominùs, eminùs dimicare, petere, recedere, insurgere, insilire, equum circumflectere, in gyrum vertere, freno compescere, ad multiplices temperationes, excursiones, reuersiones, inhibitiones, congressiones, status, appulsiones, impressiones assuefacere, hic ludus adolescentum, hæc virorum amulatio erat. Igitur animum, quem secum ad prælium adferre difficile est, ipsi in acie inueniebant. Non hostem aggredi metuebant, in quem parati perpetuò erant iam se vicisse putabant, quia non timebant. Non in tumultibus facere seditiones ab insolentia, sed in campum adferre virtutem à natu-

Mortem deinde minùs timet qui minùs deliciarum nouit inuita.

Exercitia militaria.

Temperationes equorum.

Scientia rei bellicæ dimicandi nutrit audaciam.

Nemo facere metuit quod se didicisse confidit.

*Ad hac tyro-
nes pallefcunt
bis veterani
accuntur.*

*Calamitas
virtutis occa-
fio.*

*Funera & e-
xequia vete-
rum Polono-
rum.*

*Copia Du-
cum & mili-
tum optimo-
rum in Polo-
nia.*

*Militum of-
ficia.*

Ducum.

talibus ftudebant. Tubæ, tympana, clamor & confpectus hoftium, illiſi cominûs gladij, armalâtè ftrepentia, permixta cafibus vulnera, morientium cadentiumq; ira, cruor, gemitus, fomes erant & incitamentum virtutis, non pacificationis aut metus caufa. Verbis fruſtrâ arma placari, libertatem quietemq; à virtute ſuâ tantum cuiq; nulli ab hoſte donari putabant. Igitur quæ viuentibus, eadem vitâ quoq; functis, vna fuit ambitio, conſpicua arma, equi, haſtæ, gladij, ſcuta, quibus ſuas exequias honeſtabant, ſupremiſque ſuis has dabant inferias. Quod vbicunq; gentium gymnaſium, quam palæſtram, quod militiæ ſtudio, apud nonnullas gentes, artis quoq; præceptis comprehenſum, huic domesticæ exercitationi & diſciplinæ prætulerim? Id ſcilicet tum de milite verendum erat, ne quis alius, impigræ linguæ, animi ignaui, per municipia plûs hoſpitibus quàm hoſtibus metuendus, attentius Ducis non tantum ſignum, ſed etiam nutum obſervaret, principia noſceret, vigilias obiret, dura & aſpera toleraret ſuperaretq;? id etiam de Duce, ne quis alius de bello audire tantum aut legere, in libris, ſuper menſam debellare Alexandros, vinumq; potiùs pro ſalute patriæ, quàm ſanguinem fundere ſolitus, ſolertiùs caſtris locum ca-
peret?

peret? vigilias disponderet? ab insidijs præcaue-
ret? sciret, quis ordo agminis, quæ cura ex-
plorandi, quantus vrgendo trahendoq; bello
modus esse deberet? quando acie, quando cune-
is, quando subsidijs, quando equite pedituë,
quando puluere, sole, vento pugnandum esset?
quando exercitum modò latiùs pandere, modò
in angustum còarctare, & aut in cornua sinuatâ
media parte curuare, aut rectâ fronte explicare
oporteret? intelligeret occasiones? differret im-
petus? Profectò si cui populo datum id quoq;
à Dijs est genti Polonæ, vt editis permultis egre-
gijs viris, ducibus, militibus, & cum ijs in quo-
cunq; virtutum genere eximij exemplis, haud
minùs quàm cæteræ terræ per Orbem gloriari
possit. Equidem vt omittam tot ætatum bel-
la, quorum testatam gloriam mille & ampliùs
anni, inter potenssimorum hostium vim, dolos,
inimicitias, inter variorum periculorum tempe-
states & procellas, ad hanc vsq; diem transacti in-
columes, in ipsâ quoq; libertate, cui nihil simi-
le aliæ gentes, aut secundùm ipsam Regnum no-
strum habet, faciunt: cùm ab vnâ barbarorum
gente, tot in Europa beata & felicia regna dire-
pta auersaque, cùm non profuisse Hungariæ
perinagni Imperij nomen viresq;, cui se vt tuta

*Aliena exem-
pla perspicere
satis est cùm
haud minùs
felicius do-
mi abunda-
mus.*

*Polonia ante-
murale &
propugnacu-
lum aliarum
gentium à
Turcis.*

esset iunxit deditq; , cùm infesta eorum signa
 Viennam vsq; peruenisse considero, (absit verbo
 inuidia) hæc est, quæ nullius gentis opibus sub-
 nixa, nulli per fœdera contra inimicitias suas so-
 ciata, victoriæ barbarorum orbem intercludit,
 quæ Turcam, tanquam murus & fatale muni-
 mentum, ab alijs gentibus in se sistit auertitq; ,
 quæ sola cum toties trepidare, quæ nuper etiam
 de se desperare docuit. Neq; eadem vllâ parte
 alijs virtutum miraculis inferior, hæc trecentos
 Fabios in Petro Gunico, & triginta eius familia-
 ribus reddidit, quos ad Vschouam hostium in-
 cursioni obiecit, castris eorum pertinaciori quàm
 feliciori audaciâ intulit, victoriam illic pariter
 claudentes & reditum. hæc Coclitem in Scibo-
 rio expressit, qui propè Nicopolim, dum Rex na-
 uiculâ periculo eriperetur, Turcarum vim impe-
 tumque vnus diu sustinens, omni deinde spe in-
 ripâ destitutus, saluo tantùm animo armisque in
 Danubium desiluit, multisq; desuper incidenti-
 bus hostium telis, incolumis ad Regem tranauit.
 hæc pro Mucio, duodecem iuuenes, quos eximiâ
 formâ & captiuorum numero segregauerat, Amu-
 rati obiecit, qui Andrinopoli, irriti proditiq; in
 Tyrannum conatus, pœnas à se ipsis exigentes,
 obditis in alterum facinus cubiculi foribus, atq;
 manibus

*Petrus Guni-
 cius, Cromer-
 us lib: 28.*

*Sciborius,
 Cromerus
 lib: 15.*

*Duodecim ca-
 ptiuu iuuenes,
 Cromer: lib:
 21. Anno,
 1444.*

manibus non foculo sed armis admotis, inutuis inuicem concurrentes vulneribus pro errore; non igni adipem carnemq; , sed ferro vitam cum sanguine fuderunt, hæc deniq; nullo in genere hominum, illustria sibi virtutis exempla defuisse, non in rastris falceque (ex agro enim fuit Piaslus) non in tenero corpore sexuq; (virgo enim fuit Venda) probauit ostenditque. Verum si sigillatim & pro magnitudine omnia facta maiorum persequi vellem, ad quæ patranda, plius illi animorum habuere quam prædicanda, tempus me citius quam res defereret. Ad necessitatem satis dictum puto, quâ cognoscamus, licere nobis promere in hoc regno quod scimus, exercere quod sumus.

Itaq; DOMINICE quies illa & otium, quæ nonnulli, seu contenti re suâ seu quia mores hominum & tumultus ac labores molestiasq; offensionum in republicâ ferre non possunt, apprehendunt, sequæ ab eius negotijs & administratione remouent, nescio quæ torpedio mihi potiùs & animi mollities videtur. Quorum ego iudicium, tum quòd gloriam contemnunt, tum quòd metuunt ne alicui improborum displiceant, probare nunquam potui. Etenim in prælio clypeum qui abijcit, paulò post & ab hominibus & à iu-

mentis

Piaslus.

Venda.

*Proiecta vir-
tus est quæ
quod patria
debet didicit-
que nunquam
ostendit.*

*Nunquam
flamma sur-
rexisset sine fu-*

*mo, nec flam-
ma sine liuo-
re.*

*Rosa inter spi-
nas habitat,
inter difficul-
tates virtus,
inter curas
gloria.*

*Optima a pa-
rentibus libe-
ris hereditas
relinquitur,
omnis patri-
monio prestan-
tior gloria,
virtutum re-
rumq; gesta-
rum.*

Princeps Polonus.

mentis calcatur, atq; plerunq; sub pedibus perit, ita qui ferre liuorem & inuidiam non potest, ferre contemptum cogitur, qui in virtutis continuo succedit locum. Ad hoc viuos tantisper inuidia fatigat, vbi anima naturæ cefsit, demptis obrectatoribus, ipsa nos postea fama magis magisque extollit, solaq; apud posteros durat, non peruenit inuidia. Relinque tu DOMINICE istam solitarijs & si qui sunt doctis viris prudentiam, despiciere se illi profiteantur, ea quæ pleriq; admiramur, nulla re egeant, nihil expetant, nihil cogantur, tuti, liberi sint, nulli homini aut opinioni seruiant. Tu noli hâc ratione nobis sapiens esse. Nam alijs alia licentia est, tibi vt cum maioribus contendas quodammodo necessitas imponitur, quorum præclare facta, eam in egregiis viris vim habent, vt ex ijs non prius in pectore suo conceptam flammam sedare possint, quàm famam quoque & gloriam ipsorum virtute adæquauerint. Ex quibus quanquam vitâ functis, si quæri posset, suosne sibi æmulos & imitatores, an alienos fieri præoptauerint: quid responsuros credis? nisi se non magis in opes & diuitias, quàm in præclare facta hæredes genuisse, neque vt sibi accideret vnquam optauisse, cum infelicibus parentibus, vt aut facultates patrimonij, aut gloriam alijs

an alijs pararent alijs relinquerent. Iam verò quod alijs haud promptum, tibi non perinde futurum est: aditus ad honorem, nullius quidem virtuti interclusus, tibi ita patens, vt ad quemcunq; ex ipsis natalibus, prior iam sis candidatus: honor ipse, in quo vt nihil ampliùs alijs assequi, nec maior magnus Senator esse possis, hoc tamen præstare, vt tibi minùs inuideatur. Quamquam is incessit mos, vt nonnulli importunissimi homines, quibus nihil intùs suppetit ad honorem, magistratus, dignitates, quæq; per mortales auidè cupiuntur, nihilo & ipsi flagrantius ambiant capiantq; , perinde quasi consulatus, sacerdotium, & similia per se clara & magifica sint, aut ipsi ijs vtiq; magis honesti ac tuti, ab hominum contemptu & reprehensione fiant. Quod profectò contrà est, vbi sinistra magnæ quoque gloriæ adrepi interpretatio obtrectatioque, ibi neque desidiæ socordiæue ab hominibus virtutis decora condonantur. Quantò magistratus excellentior, tantò socordia ipsorum flagitiosior est, neq; sibi ipsi mentiens conscientia hominum, rerum merita non fortunæ perpendendo euenta adduci potest, vt honore & reuerentiâ dignum eum putet, in quo mentem impurissimi scurræ, adulatoris improbi, mercenarij patroni, mollis-

N

simæ

*Sacerdotia
& Consula-
tus atq; omni-
a alia huius-
cemodi, non
per se ipsa cla-
ra & magni-
fica sunt.*

*Sed perinde
habentur vt
eorum qui ea
sustinent vir-
tus est.*

*Verus honor
est in iudiciis
hominum.*

simæ mulierculæ intuetur, in quo nihil videt præter nomen additamenti, & quo tantum commaculatur laus bonorum. Equidem illud primum DOMINICE vt honore dignus sis maximè labora: secundum, vt existimeris, veramq; in iudiciis magis hominum, quàm in splendore titulorum dignitatem reponas, & dignus quâcunq; habere, si quam etiam nolueris: tertium sit tibi quod pleriq; primum esse solet, honor ipse, quo dignitatis testimonium non ambitionis beneficium referas. Etenim præstantibus & egregijs viris, animum si conformaueris, non opus honorem deferente, tu te ipse excellentibus addidisti: aliò si studium deflexeris, extrâ ne quæsieris quomodo in clarescas, ipse te ad deteriores detrusisti. Nam & in dignitatum similitudine, quibusq; sibi rebus maximè pares multi videntur, magno tamen à se inuicem discrimine distant. Honorum gradu multi pares sunt, gloria dispares, atq; eodem loco alius alium bonâ famâ, fortibus factis anteit. Est enim in virtute ascensus, & vt quis alterum honore pretergredi non potest, laude potest. Verum enimvero in magnâ copiâ rerum, aliud alij natura & sua cuique propensio iter ad gloriam ostendit. Pulchrum est libertatem, patriam armis protegere, sapientiâ, quoq; eadē iuuare haud minus.

*Honorum gra-
du multi pa-
res sunt glo-
ria dispares.*

*In republica
duo modi ad
se proferen-
dum.*

minùs decorũ est, & consilium & incaptum pro
eâ, vacuum laude haud cuiquam fuit, quoquo in-
cubuit animus perinde inter cupienda habentur,
decernendi prudentia, & decertandi fortitudo,
vel bello vel pace magnum & clarum fieri licet.
Sed profectò omni in re prudētia dominatur, pri-
ùsquàm aliquid incipias consulto, vbi consulueris
maturè factò opus est. Nam & in bellis quod
præcipuum creditur, hostem aduersum manu
aggredi, id arduum nunquam fuit, nisi tantum
timentibus, occulta pericula instruere vitareque,
nemo quisquam nisi sciens potuit. Adhęc ibi ple-
raq; sunt, quæ ampliùs quàm semel fieri neque-
unt, in quibus error vnus sufficit, vbi cunq; pro-
uidencia & consilium exciderit, actum est, non
ampliùs res emendationem recipit. Itaq; sicut
in corpore nostro nihil maius animo, ita in ani-
mo nihil præstantius sapientiâ obtinuimus. hęc
vti quisque maximè excellit; ita dignus est ma-
ximè vti imperet mortalibus. Est enim in
omni rerum genere, vnum, primum ac rectum
ad cuius normam & rationem cætera dirigi illiq;
subesse oportet, animi alterum, alterum corpo-
ris vice fungi decet, alterum imperium, alterum
alteri obsequium præstare, optimum & pruden-
tissimum consulere, cæteros parere. Quippe ni-
hil est.

*Sagum &
Toga.*

*Prudentia
ante.*

*Mens una
sapiens pluri-
um vincit
manus Euri-
pides.*

*Potentia absq;
prudentia vi-
ribus ipsa ru-
it suis.*

Vulgi ingent-

*um varium,
multiplex tor-
turum.*

*Quæ res po-
tissimum ex-
citât profe-
ctum in inge-
niis facitq;
prouentum.
viro-um Do-
ctorum?
Multis pau-
peras pro-
fuit.*

*Multis præ-
mia & fauo-
res princi-
pum.*

Multis quoq;

hil est tam occupatum tam multiforme ac deu-
um, tot opinionibus & affectibus concisum &
laceratum quàm populus, atq; cum singulis ho-
minibus, inest quædam necessitas errandi, turbæ
etiam amor. Ac mihi quidem multa legenti,
multa audienti, nonnunquam libuit attendere,
quæ res potissimum magnos profectus ingeniis at-
tulisset, quæq; illa in imperiis auxisset subſtenta-
uiſſetq;. Sciebam ex tenui re & paupertate, lon-
gè plura ad gloriam, quàm ex paruis opibus per-
ueniſſe, vt in parua fortunâ, videatur ipsis poti-
or dandus locus, in quâ diligentia & contentio-
ni eorum, illud ipsum dedit vires, quod preme-
bat. Cognoueram quoq;, vti neminem non iu-
uat, præmium & fauorem ſequi, plurimum illa
cum munificentia Principum certauisse, non ma-
gis ſe, atq; eos, qui literis fauebant per cæteras
gentes extuliſſe celebrauiſſeque, atq; magnum
& perenne nomen apud poſteros ijs donauisse,
qui ſibi cætera. Ita diuerſos, alios agendo, alios
facta aliorum celebrando, vtroſq; ſe inuicem or-
nando, magnos & claros factos, virtutes eorum
qui aliquid geſſerunt, tantas habitas, quantas vi-
deri volebant præclara & ipsis addicta ingenia.
Sed profectò ſicut iſta, multorum profectus in id
quo tendebant adiuuerunt, ita eoſdem non rarò

corrupe-

Princeps Polonus.

99

corruperunt retròq; egerunt. Quorundam industria, præsumpta ex paupertate quò voluisset euadendi desperatione, quorundam postquam illi otium, diuitiæ, aliq; optata contingere subsecudit, aliis inter necessaria, alijs inter superuacua elanguit, alijs illud quod defuit, alijs quod superfuit obstitit. Itaq; mihi multa agitati, illud magis pro vero constat, ingenia vsq; eò sese extulisse tenuisseque, quoad ij qui alijs imperitabant eminebant, ipsorum intelligentes fuere, atq; iudicio non impetu in qualiacunq; propensi, superabant proprium inferiorum populiq; vitium, ignorantiam veri & inuidiam. Quippe plebis existimatio, in multitudine dispersa & varia, virtutes pari leuitate, apud se deprimat tollitque, atq; sapius ad obtrectandum prona, eòq; magis in æquales iniquior, ipsorum gloriam minuit, non dissimiles reputando, quos pares habuerat. Contrà magna fortuna inconsulto quoq; fauore laborat, dum ostentandæ, quàm collocandæ munificentiae cupidior, aliorum merita, liberalitate suâ, non tam excipit quàm antecedit. Nam nemo non hâc sibi velut testimonio charior, deprehensâ deinde inscitâ negligentiaue, aut conatum inhibet, nihilq; plus eo efficit, quo iam se adiuuit, aut perniciosissima persuasione, ad ar-

& paupertas nocuit.

& opulentiæ abundantiaq;

Judicium Principum & notitia in geniorum, fuit eorum multum.

Plebis iudicium inuidia corrumpitur.

Ignorantia vires ex premio & fauore principum sumit.

Multi velut sub clypeo, sub fauore principum ignorantiam suam occultant.

*Ita fucus ir-
repsit vani-
tati, arrogans
de se persua-
sio.*

*Magnum in-
genium præ-
stantiam su-
am intelligit
& cognitionē
reuerenti-
amq; postulat.*

*Non iudicium
plebs affert
sed fidem de
ingenio.*

*Et nunc hi
passim mores.*

Censura inge-

rogantiam labitur, nimiumq; dat fiducia & ali-
enæ & suæ. Vnde maxima ignauia, imposture,
fusco, cæterisq; inanibus occasio atq; munimen-
tum, neq; infrequens causa, vt magna ingenia,
postquam nullum discrimen, atq; etiam cū va-
na magis clara, magisq; accepta vident, studia a-
lio vertunt, quæ præ ambitu alijsuē commodis,
inter prima habebant ac diu sola. Neque enim
aduersus mores publicos mens eadem omnibus
constat, & in pulcherrimis conatibus, vbi aliquis
non habet, de cuius iudicio & opinione fiat soli-
citus, rarum est, vt se satis ipse vereatur, neq; de-
serat excellentiam sine agnitione vel vsu. Quip-
pe inferiorum de alijs existimatio talis est, qualis
eorum qui eminent opinio præit, quibus ple-
rumque suo more non iudicium plebs accom-
modat sed fidem. Quin etiam contra tendere
periculosum persæpè & arduum est, aut si igno-
rantiam alterius retegere cogites, maleuolentiam
& inuidiam in alium existimant. Ex quo fit vt
diuersè, prout tamen naturâ meliora placent, a-
lia quisque laudat, alia amplectitur, doctrinam
prædicat, indoctos fouet, præstantissima suspi-
cit, vanissimis se adiungit, prudentiam æstimat,
imperitissimos extollit, quod profectò, fatum
quoque nostri temporis est aut morbus. Atq;

hæc

hæc quidem non postrema virorum principum laus fuit, bona ingenia noscere, eaq; in suam gloriam fouere. Altera à proprio ingenio petenda est. Cuicumque in republica amplior illustriorq; locus contigit, eò ampliori comitatu doctrinæ, & velut illustriori apparatu honoreq; virtutum retinendus est. Qui dignitatis & reuerentiæ, idem curæ & laboris gradus sit oportet. Sudandum est pro cõmunibus commodis, adeundę inimicitia, subeundæ pro republicâ tempestates, suscipiendæ sæpè cum audacibus, improbis, graues & inexorabiles inimicitia, quodq; conscientia libertas habet spernenda potentiorum, pro tuenda libertate offensio. Standum est præterea, tanquã in orbe aliquo reipublicæ, qui cùm perpetuò ver-
setur, & hominum temporumq; conditio diuersa ferat, prout pars aliqua inclinât, aut salus & utilitas poscit, subueniendum ei est, parato ingenij instrumento & ad omnem vsum reposito. Quanta cuiq; inest præstantia, tanta illic patet. Reperias nonnullos, qui sibi mirè disertis & callidis domi videntur, cùm in curiam publicumque veniunt, non magis suæ illi sapientiæ sufficiunt, quàm parua quædam animalia, quæ in angustiis suis mobilia, campoprehenduntur. Quidam veluti superuacanea nauis onera, huc illuc fluctuant.
aut defor-

*niorum ad
principes per-
tinet.*

*Qui dignita-
tis idem & la-
boris gradus
esse in repu-
blicâ debet.*

*In odia mul-
torum incur-
rat necesse est
cui propo-
situm est malis
dissolvere.*

*Orbis reipu-
blica perpe-
tuò vertitur.*

*Eloquentia &
consilium præ-
stare oportet.*

*Facundiam,
fides, veritas,
libertas, inre-
publicâ exa-
quat,*

*Assensionis &
assentationis
causa.*

aut deformiter alios respectando, in sellis aut ti-
rubant hærentq; , aut prioribus assentiuntur &
seruiunt. Sed facundiæ inter homines magis vo-
tum fuit, rara felicitas. Abundè mihi ille elo-
quens est, cui fides, libertas, veritas constat, quæ
etiam si lenocinijs destituuntur, satis tamen natu-
râ sua ornantur, nec aliquid est, vt non disertè,
quod honestè dicitur. Quantumcunq; studij,
doctrinæ, ingenij fuerit, ampliùs habebit eo qui
dicere sciet, is qui audebit. Etenim cùm infeli-
ces eos existimo, quibus dolus & adulatio fide
chariora sunt, tùm multò infeliciores, qui se in-
super ijs ad seruiendum exercent, atq; ad alie-
num arbitrium, aut loquuntur aut tacent, inge-
nuitatemq; sermonis spe, vel pretio corrup-
punt. Id adeò malum ferè per largitionem &
luxuriam venit, cùm profusis sumptibus, in libi-
dines, ædificia, familias, imaginum tabularumq;
miracula, & inanem splendorem ac magnificen-
tiam, cæteraq; quâs pecunia variè vexatur prodi-
giturq; , res & dignitas collapsa, ampliùs sustine-
ri non potest. Quibus quidem rebus mihi vi-
detur via ad fædiora facinora pandi. Nam in-
consultam largitionem sequuntur rapinæ, multi-
que quibus antè in diuitijs, vel molliter vel ma-
gnificè viuere copia erat, postquam egere cape-
runt, alie-

runt alieno manus afferre coguntur; atque cum alia non procedunt, extrema in republicâ & seditiones amant, odio rerum suarum, mutari omnium cupiunt, atque ad quoscunque motus erumpunt, quibus plerunq; ex publico dissolvitur, quod à singulis priuatim contrahitur dissipatur. Verum ista in ortu melius quàm ferò emendantur, neq; eueniunt vbi retinetur parçimonia in censu. In nos sanè nunquam tale facinus alicui regnantium tentatum, aut quidlibet agenti fuisset expeditum, inter ciuium in Reges intentam suspicionem, quâ vti haud modice libertas crescit, ita regentium destinata impediuntur. Abundè illâ aduersus dominos muniti sumus, eadem nimia nec cuiquam magis quàm nobis ipsis grauis interius nos in discrimen vrget. Quippe res omnes melius intra modum & velut æqualitatem tenentur, vbi altera alteram superat, & dominationi libertas vel contra præualet, quod vna cum nimium augescit amat, eodem altera deflectit, ad parem insolentiam. Hinc quibus in alios regimen labor, egregiaque ad effectum deducendi difficultas. Alius ab alio in diuersa ferri & distrahi, dissidere & reniti, nocitura male quàm non suspicari, nescire & narrare, suspicione vel priuato sententiam moderari, ad subita perin-

Ad perturbandam rempublicam inopia & mali mores stimulant.

Libertas temperata salubris nimia & alius grauis & iis qui habent effrenis est.

Augustus dicere solebat: Duas se habere filias delicatas, sed se-

*rendas, Rem-
publicam &
Iuliam.*

*Nonnulli rem
non vident
nonnulli periri
nere ad se non
arbitrantur.*

*Quidam ado-
lescenti de re-
bus disceptan-
ti Aures dixit
in linguam de-
fluxisse.*

*Cum doctri-
nam vix pri-
moribus la-
bria delibant
putant se ple-
no proluisse
ore.*

ta perinde ac meditata plùs spei votiùque quàm consilij opifus promere, pleraq; etiam inluper habere, tanquam non parua vis libertatis in eo esset, quando publica proprio fato casuque feruntur, & pro cupientissimis, adest cuiq; licentia & eius successus. Nam profutura melius ab vno diriguntur, multitudo sapius quid expedit post euentum videt, cui hoc quoq; vsitatum, vitijs libertatis moueri non curâ. Sed ego hæc interea dimitto. Nam pleraq; consiliorum obscuritas inuoluit. Multi ignorant, quid optimum sit, multi quid expediat, multi quid deceat, nonnulli quid liceat. In quæ tametsi præsidium in doctrinâ est, tamen in illa id seruandum existimo, ad rerum administrationem tùm accedere, cùm affectiones animi & perturbationes aut mitigauit ætas aut vicit ratio. Neque enim perniciosius est illorum consuetudine, qui nimis præcocia studia in magna negotia mittunt, & acerbos adhuc & immaturos profectus, in forum, in curiam, Ecclesiam & rempublicam pro pellunt. Nihil enim ipsa rerum natura magnum voluit effici citò, apposuitq; pulcherrimo cuique operi moram & difficultatem, quæ in pariendi tempore, eam tulit legem, vt magna animalia diutius visceribus parentum contineantur. Cui vsui

vsui DOMINICE tametsi ab adolescentulo ,
pulcherrima adiumenta in futurum tibi compa-
ras seponisq; , tùm neq; ætati in quâ es vacatio-
nem gloriæ permittis. Agere per ludum, quod
postea cederet virtuti, in armis, telis, equis mi-
litaribus voluptatem habere, conquirere merca-
riq; , ipse explorare, equos in cursum concitare,
in gyros circumflectere, cursu, saltu, gradu cor-
pus exercere, laboribus reparare, sagittarum
spicula tot aliquando exactura animas, quot di-
spendia fecissent, interdum in auras mittere, in-
terdum ad scopum longissimè dirigere, ad pa-
trandum aliquid, iam se iam æquales incitare,
præmio pacisci, hæ à pueritiâ artes tuæ & exerci-
tia fuerunt. Quibus id effectum est, vt cùm ali-
quândo consilio, nunc iam maturè manu patriam
demereri possis. Ita maiores nostri non in vnam
aliquam partem, sed in omnes reipublicæ pariter
elaborârunt, apud quos prudentissimus quisque
maximè negotiosus erat, ingenium nemo sine
corpore exercebat, in exercitationibus facere
quàm dicere, gerere quàm aliena recensere præ-
clarius putabant. Nam vigor mentium plerun-
que frangitur mollitie corporum, tantùmq; ani-
mus cuiusque sumit in generositatem impetus
quantùm de laborum periculorumq; inuenit in

*In rebus peri-
culosis senex
consultor lo-
cum habet in-
difficilibus in-
uenio.*

*Paratus est
ad audendum
animus cum
exercetur cor-
pus.*

Anno, 1632.

corpore suo experientiâ tolerantiaq; . De quibus
 DOMINICE quantum in te iam sperandumque
 porro esset ostendisti, cum ad lugubre consilium
 officiumq; , ab omni parte coeunte, orbo post
 suum Regem regno, idoneæ adultæq; virtutis
 nomen solitudini & pietati patriæ dedisti. Co-
 pia tecum spectaculo & ordine pulcherrimo, vir
 viro, arma armis, summâ curâ, propè ex vete-
 rum disciplinâ militari censa lectaque, peditum
 equitumq; vexilla numerosa, conferta, non rari-
 tate aut confusione interlucentia, hinc opibus,
 auro, telis, armis, inde ferarum tergis & martio
 habitu horrentia visendaq; , ad tubarum moni-
 ta, ad signorum indicia, ad iussa, ad nutum tu-
 um præfectorumque expedita & cõsentientia. Iam
 verò inter tot mortalium tecum in apertâ plani-
 tie conspectum, inter concrepantium tubarum
 tympanorumq; horrorem, inter equorum cohi-
 beri inter ista indignantium hinnitû fremitum-
 que, nihil pulchrius eminebat, quàm tua prom-
 ptitudo, tua alacritas, quam destinatam libertati,
 bruta etiam persentiebant, tecumque pro ea &
 illud officium, in prælium & hostem. Quod tibi
 DOMINICE eò pulchrius adhuc & gloriosius
 futurum est, quod non honori tantum id & re-
 uerentiæ, cum grauiora pro patriâ recusantibus
 impendi-

impendisti, sed velut magni discriminis fragore, velut classici vocantis strepitu excitus, non segni-
or succurrere quàm adesse, nefas putas non ne-
cessitati patriæ, aut aliquid ipsi tantùm præstitis-
se semel. Igitur quicquid ab altaribus publicis,
& faustâ nuncupatione, Nouo Regi imposuerit
decus publicum atque propriæ laudis sitis, quo-
quo eum traxerit, seu Moschouia, resurgentis
belli minis plena, siue Suecia, inter mutantium
se dominorum manus aliàs peritura præda, seu
Prusiæ cicatrix, Liunionæ damnum, Russiæ la-
ceratio, & quicquid iam olim Patris habuit ve-
stigium aut victoriam, expectas, attendis, arma,
militem, manus, animum aptas, neq; copias mo-
dò auxilio, sed te ipsum comitem paras bello.
Equidem DOMINICE quemadmodum ex pul-
su & venarum momentis, periti medendi de sa-
lute ægrorum pronunciant, ita ex generositate
ciuium & animo cupido periculorum atque bo-
næ famæ, de incolumitate reipublicæ iudican-
dum est. Nam otiosa felicitas, nulli regno se-
cura fuit, neque votis aut supplicijs muliebribus
à Dijs paratur, sed vigilando, agendo, in labo-
re, patientiâ, bonis præceptis & fortibus factis se
excitando, prospere cedit, tandiuq; ferè tuta est,
quandiu ferrum in manu est, pace & securitate
O 3 elabitur,

*Pace & otio
senescunt
vires.*

*nec valemus
postea in bo-
stem nec co-
namur neq;
gloriâ moue-
mur neq; fla-
gitio.*

*Illum vtrum
esse non puta-
eui animus
non crescit pe-
riculorum ac-
cessione.*

*Quid refert
colum in ma-
num vel ha-
stem accipias*

elabitur, cum verò socordia & ignauia irrepse-
rint, Dij etiam nequicquam implorantur, irati
tunc infestiq; sunt. Nam ita ego à maioribus
natu accepi neminem posse eodem tempore as-
sequi magnam famam & magnam quietem, pri-
mumque id boni ciuis officium esse, iuuare pa-
triam: secundum, nullum casum pro dignitate
& libertate eius non ferendum putare: tertium
quod primum omnium maximumque est, vi-
tam pro eâ libenter ponere, quam sæpè inuitis
etiam nobis eripit febris, aut lenta eijcit tussis.

Hic animus hominem detegit, vultum ignauis
leuat, quanti sit quisque fatetur. hic ad nullos
metus & pericula pauidior, non se parte aliquâ
contrahit, patiatur aliquid vel tentet. hic cor-
pore rupto & confosso, discerpto & lacerato,
hostibus suis superior, hoc eos vincit terretque,
quod idem ferre non possent. cadit aliquando,
nunquam cedit. sanguinem cum oportet la-
chrymas neque in morte emittit. hic vulneri-
bus, ignibus, tormentis, totâ crudelitatis irâ
arteq; in mortem actus, exitum inuenit, quem
& qui timent laudant, & qui complorant, ad-
mirantur. hic quicquid potest esse magnorum
meritorum impendit, quod plùs pro patria non
potest. Hunc nos tanquam fastigium celsius
aliis

alijs præclarè gestis, tanquam fundum cuius-
cunq̃ue virtutis feracem, admirati, in eo virtu-
tibus Aras statuimus, finemq̃ue ponimus pro-
gressioni nostræ, ex quâ sub tuo nomine
DOMINICE, qui Reipublicæ educan-
tur crescuntq̃ue, iam nunc à nobis
accipient viuendi rati-
onem, à te ipso,
exemplum.

De Mendis Libelli.

*IN tot negotiis & occupationibus, Lector, qui me nosti, au-
daci meæ, non tamen improbe contentioni, facilis erit apud
te excusatio. Typographo veniam peto, quem nunquam aliter
nisi veniâ seruare possum. Quanquam cum in multis, in vari-
is studiorum generibus aliquid tibi semper exhiberi vides, tan-
quam me in omnibus experiar, vni non satis confisus, sic cui-
libet vni veniam, tanquam non vni dabis. Errores grauiores
quos meum tempus deprehendere permisit, ex me habe, alios
ex te tuosq̃ emenda.*

Pagin: 16 Descientia pro Desciscentia.

19 munitores pro munitiores.

20 vim tuam pro vim suam.

22 indicentium pro indecentium.

23 promptum in quamcunq̃ pro promptam in

61 capacitatem pro rapacitatem. (quemcunq̃)

71 consumare pro consummare.

82 dubitationem suam tegere pro dubitationem
suam regere,

85 Non extremum pro Non externum.